

پوزه قزیقزی و عبرتلى نكته

يازد وچى و تىلاج: محمد حليم يارقين

بىرىنچى جلد



١٣٩٩ قوياش ييلى

اژمیک پلکی لری:

اثر آنی: بوزته قیزیقلی و عبرتلی نکته
پازووجی و تلماج: محمد حلیم پارقون
نشر اپتیووجی: تیتانو تحقیقات مرکزی
با سمه نوبتی: بیرینچی، ۱۲۹۹ قویانش عالی
سال: ۱۰۰۰ جلد
متوا و پیتار بیزمهش: الناس بیان بولوت
ایمیل: yarqinhalim@gmail.com

پوزه قزیلقری و عبرتلى نكته

يازووچى و سيلاج: محمد حليم يارقين

بىرىنچى جلد

١٣٩٩ قىاش سى

بِسْمِ اللّٰهِ الرَّحْمٰنِ الرَّحِيْمِ

اولوغ ھنگى آتى بىلەن

اثر حقيده ايکى آغيز سۈز

بو اثرده يوزته قىزىقرلى قىسقە نكته اوپىن آلگىن.
بو نكته لر اۋزىنىڭ چوقۇر علمىي، اجتماعىي ھىمە
يوكىك انسانىي مضمۇنلىيگە كۈرە، سىز حىرمەتلى
اۋقووچىلەرگە مراقلىي و آسيغلى بولسە كېرەك، دېب
اوپىلە يىمىز.

اوندن تىشىرى، اوشبو قلمۇنىڭ بو قىسقە
نكته لرنى يازىش و اوگىرىشىدىن اساسىي آماجى،
سېۋىيملى تىلداشلى يىمىز تورلى ساحەلرگە تېگىشلى
موضوعلۇنى اۋز آنه تىللەرىدە اۋقىشلىرى و شو بىلەن
بىرگە اوپىنىڭ سۈز بايلىكى، گرامىي و قوللەنەن يىب
تورگەن يازووى، املا قاعدهسى و يۈرىقلەرى بىلەن
تانيشىشلىرى دىر. ادبى تىلەمەنلىكى، اوندەگى يازىلگەن
كتابلەر، و نشرىيەلرنى ايزچىل اۋقىش؛ موسىقى

بايلىكىنى تىنگلەش ياكويلىش؛ اۋۇز ارا اوچرەشۈولر،
علمى-ادبى و اجتماعى يىغىنلەرde سۈزۈش؛ اۋۇز ارا
يازىشىمەلر؛ كۈندەلىك تورلى يازىمە ايشلەرde قوللەش
بىلەن گىنه اورگە نىش، تىكىلش، رواجىلتىرىش و
كوقچىلتىرىش ممکن، خلاص!

سېپىيملى او كە مىز الماس ييانى اثر مقواسىنى
دېزاين قىلىپ ھىمە بېتلەنى بېزەب- باغلب، نشرگە
تىارلە گن. بو اوچون الماس جان گە دايىمى ياردىملەرى
اوچون چوقۇر منتدارلىك بىلدىرىپ، او كىشىگە
ساغلىك و موفقيت اىستەيمىز.

«تىياتو تحقىقات مرکزى»نىنگ حرمەتلى
باشقىرو و چىلىرىگە اوшибۇ كتابنى نشرى اوچون ىمىمەتى
تشكىر بىلدىرىپ، اېزگۇ مدنى ايشلىرىگە موفقيتلى
اىستەيمىز.

حرمت بىلەن حلیم يارقىن



كتاب اوقينكىز!

بىر ملتى يۈق قىلماق اوچون كتابلرنى كويديريش
كېرىھ ك اپمىس، بلکە بىر عمللىب اولرنىنگ مردمى كتاب
اوقييمەسەلر يېتىرىلى دىر....
«ويكتور هوگو»



عازيز نېسین سۈزۈرىدىن

مېن اوچون ھىچ قنداق چېڭىرە تصور
بۇلامەيدى. قلمىيم بىلەن، دىيانىنگ ھەر بىر چېكەسىدە
انسانلاردىن بىر قىينچىلىك ياخىنلىك بىر نالەنى اپشىتىسمىدە،
اولرنى يازەمن و بوتون عالم قولاغىيگە يېتىكزەمن.

انسان ایتگن سوْزلری اوچون گینه مسؤول اپس،
بلکه جیم توریشلری (ایتمه گنلری) اوچون هم مسؤول
دیر!

مردم کولسەلر-دە، اوروشمەيدىلر و اوروشىسەلر-
دە، کولمەيدىلر... دېمك، کوليش انسان تىنچلىيگى
ضامنى دير.



هر كيم اپككه نينى اوفرهدى!

بىر بپوه كمپىر دوكاندارگە تىارلەگن مسکە نى
ساتر اپكن. دوكاندار اپسە كمپىرنىنگ بىر كيلو دېگن
سوْزىگە ايشانىب، مسکەنلى ترازوودە تارتىمىسىن آلىب،
پولىنى كمپىرگە بېرىر اپكن.

کونلردن بیرکون، مبادا شو کمپیرنینگ
کېلتىرەدىگن بير كېلو دېگن مسکەسى كم بولمسە،
دېگن شك دكاندارنینگ يورەگىدە تاپىلەدە.
شو بىلن، دكاندار مسکەنى ترازوودە اولچب كۈرسە،
چىندىن هم بير كيلو اپمىس، ۹۰۰ گرام چىققۇن اپمىش!
اپرتهسى كمپير كېلگىنده، دوكاندار: بوندىن نرى سېنىدىن
مسكە آلمەيمىن، دېيدى.

كمپير دكانداردى:

- نىمه، بىران ينگلىش (خطا) يوز بېرگەن مى؟
دېب سۈرەيدى تعجب بىلن.
- ھە! دېب جواب بېرەدى دكاندار و قوشىمچە
قىلەدەي:

- بير كېلو دېب كېلتىرگەن مسکەنگ، ۹۰۰ گرام
اپكىن. شونداق حرامخورلىك قىلىشىنگەن اويالمەيسىن
مى، خانىم؟

كمپير اپسە سادەلرچە شونداق جواب بېرىيىدى:

- اویده مِنینگ ترازی تاشیم یوُق. بیرکونی
سیزدن بیر کیلو شکر ساتیب آلگن اپدیم. مسکه نی
دایم اوشه بیلن اولچب سیزگه کېلتیرر اپدیم!
بونگه کوْره دُکاندار ۹۰۰ گرام شکرنی بیر کېلو،
دېب بېچاره كمپيرگه ساتگن اېكن!!



قضاياوت ده شاشیلمنگ!

بیر باله نینگ قولیده ایکیتە المە بار اپدی.
آنھى دېدی: المە لرینگدن بیرینى مېنگە بېر!
باله گىنه بیرینچى المەنى بیر تىشله دى - ده. كېين
ایكىنچى المەنى تىشله دى.
شوندە، آنه نینگ لېرىدىن تبسم يۇقالىب،
بورىشدى!
يوزىدىن، باله سىدين كۈنگلى قالىب، قىچە لر

اوميدسiz بولگنى شونداققىنه بىلىنib تورگن اپدى.
بىراق، باله گىنە تىشلنگن المەلدن بىرته سىنى
آنەسىگە اوزەتىب:

- منه آلينگ، آنه جان! بونىسى چوچوكراق
(شىرىنراق) اپكىن، دېدى!

- آنه، بالھى حقىدە ينگلىش اوپىلە گىنيدن قاتىب
قالدى...!

قىچەلر تجربەلى بولسنىڭيىز ھم، قضاوتىدە
شاشىلمەمى، بىرآز كوتىنگ.

بو بىلەن قوشى تمانگە اىضاح بېرىشىگە فرست
بېرىنگ!





خدمت قدرینى بىلماق كېرەك!

بىر پادشاه، قۇپال يىنگلىش(خطا)گە يۈل قۇيىگەن وزىرلىرىنى جزالش مقصىدىدە، گناھكارنى يىرتقىچ ايتلىرى تىكە-پارە قىلىپ يېماق اوچون، اوڭتە ياوايى ايتنىنگ تربىيەلشىنى عملدارلىرىگە بويروق بېرگن...!

نېمە بۇلدى يو بىرکون وزىرلەرن بىرى نىنگ بىلدىرگەن فكرى پادشاهگە ياقمهدى. شوندە پادشاه قىّيق اوپكەلهنىب(غضبلەنىب)، وزىرنى يىرتقىچ ايتلىرى آلدىگە تشنلگلر! دېب بويروق بېردى.

جانى خوف آستىيدە قالگەن وزىر: عالم پناه! اپندى تقديرىيم شونداق اپكن، جزا حكمىم اجرا بۇلگە پىتىگچە مېنگە اوڭ كون مهلت بېرسنگىز، دېدى.

پادشاه اپسە وزىرنىنگ التماسىنى قبول قىلدى.

وزير بىرتقىچ ايتلرنى باقىب يورگن آدم نىنگ
قاشىگە بارىب دېدى:

- اوڭ كون شو ايتلرنىنگ خدمتىنى قىلماق
اىستەيمىن!

ايت باقووچى سۈرەدى: بو ايشدن سېنگە نىمە
فايدە يېتىدە؟

- شاشىمە، تېزدە بىلەسەن!....

ايت باقووچى ھم كۈنیب:

- مىلى، ھىچ قىسى يۈق. باقىنگ، باق! دېدى.

وزير اوشە لحظەدن آق، ايت(كوجىك)لرنى
آسايشىدەلىگى اوچون اىتتىلە باشلەدى. اولرگە مزە لى
يېمكلەر تىارلۇ بېرىدى؛ يوويب-ترەدى و وقتلىينى چاق
سقلەدى.

نهايت، پادشاھنىنگ بېرگن اوڭ كون مەھلتى
توگب، بويروقنى اجرا اپتىش پىتى ھم يېتىدى.
پادشاھ، وزيرنى ايتلر آلدىگە تشنگلر! دېب

بویوردی.

پادشاه و برچه سرای بویوکلری حضوریده
بویروق(فرمان) عملی قیلیندی. بيراق، پادشاه و
تماشاچیلر عجلنرلی بیر صحنه‌گه قرشی بولدلیلر.
يعنى، ایتلر وزیرنى تکه-پاره قیلیب يېمسدن، برچهسى
وزیرنینگ ایاغىيگە يېقىلىب، قويروق(دُم)لرینى
ليكىله تىب ياتدىلر...!

شوندە پادشاه، وزيردن تعجب بىلن سۈرەدى:

- بو ایتلر بىلن نىمە قىلدىنگ؟!

وزير جواب بېرىدى:

- بوتون اوڭ كون مهلت كېزى(مدتى)دە
بولرنىنگ خدمتلرينى قىلديم. اولر خدمتىم نى
اونوتمهى، قدرىنى بىلدىلر. بيراق، اوڭ يىل سېنىنگ
خدمتىنگنى قىلديم، برچەسىنى اونوتدىنگ...!
پادشاه قىلمىشى اوڭىن سىز اپكىنى پېقىب،
باشىنى اپگدى. او وزیرنى كېچىرىب، جزانى بىكار

قىلدى.

* بىراونىنگ كىچىك بىر ينگلىشى اوچون، بوتون خدمتلىرىنى اونوتماق ناسپاسلىك و انصاف سىزلىك دىرى!



كىنهنى يورە كدە سقلەمنگ!
اوقيتووچى، اوّقووچىلىرىگە: سىزلىر بىلەن بىر اوّيىن
قىلماقچى من، دېدى.

كېين اولرگە: اپرته گە هر بىرينىڭىز بىرته پلاستىك خلتە آلينگ و اونى اىچىيگە يىمان كۈرە دىيگن كىشىلىرىنىڭ سانىچە پياز تشنلىك و اوّزىنگىز بىلەن آليپ كېلىنىڭ، دېدى.

اپرته سى، اوّقووچىلىر پلاستىك خلتەلىرى بىلەن مكتبگە كېلدىلەر. أيرىملىرنىنىڭ خلتە سىيده ٥ تە، بعضىلىرىنىكى ده ٧ تە و بىر عدەلرنىكى ده ٩ تە و

حتى اوندن کۈپرەق پىاز بار اپدى.

اۇقىتۇوچى، اۇقۇوچىلەرگە دېدى: اىكى ھفتەگچە،
قەپىرگە بارسنىڭىز، خلتەنگىزنى ھەم اۋزىنگىز بىلەن آلىب
بارىنگىز!...

کونلەر شو يۈسىنەدە اۇتردى. بىرمىتدىن سۈنگ،
أىنىڭ پىازلەرنىڭ يىمان ھىدى(ايىسى)دىن
اۇقۇوچىلەرنىڭ شكايتى چىقە بېرىدى. اوندىن تىشلىرى،
خلتەسىدە پىازى كۈپ بۇلگەنلەرنى، خلتەنى كۈتە رىب
يورىش چىچەتىپ بىياردى!

ايىكى ھفتەدىن سۈنگ، نهايت اوپىين توگب
اۇقۇوچىلەر تىنچلىنىدىلەر.

اۇقىتۇوچى، اۇقۇوچىلەرنى سۈرەدى: اىكى ھفتە
پىازلەر خلتەسىنى آلىب يورگەندەن قىنداق تويفونگىز بار
اپدى؟

برچە اۇقۇوچىلەر، ايىكى ھفتە سىيىخ پىازلەرنى
اۋزىلەر بىلەن آلىب يورىشىدەن شكايت قىلىپ، نالىدىلىر.

شوندە اوقيتووچى، اوшибو اوئىين نى يۈلگە
قۇيىشدن اصل مقصدىنى شونداق آچىقلە دى(ايضاح
بېرىدى):

- بو خودى سىز سېومەيدىيگەن كىشىلرنىنگ
كىنهسىنى يورە كلىرىنگىزدە سقلب يورگىنىنگىزدېك دىر.
ھرىپرگە بارسنجىز اونى ھم آلىپ بارەسىز. كىنهنىنگ
يمان و سىسىخ اىسى كۈنگلىنگىزنى أىنىتىدە (فاسد
قىلەدە).

- ايکى هفتەگىنە أىنىيگەن پيازلرنىنگ سىسىخ
ايسىيگە چىدالمه گن، قنداق قىلىپ بوتون عمر
йورە كده گى أىنىيگەن سىسىخ نفترت ايسىيگە چىدە ب
йورەسىزلر؟!

چىمدىم: تىنچلىكىز اوچون، قىلەڭنىنگىزچە
كىشىلرگە نسبتاً «كىنه و نفترت»نى يورە گىزدن
چىقهەرىب تشنلىكىز!



پادشاه و دلاک

بیر بار اپدی، بیر یاغ اپدی، قدیمنینگ زمانیده،
ملکی نینگ امانیده بیر پادشاه بار اپدی. پادشاه تاس
(کل) اپدی. باشی نینگ اوشه بیر نېچیتە ساچ تاله سى
(تارى) اوسگىنده، بیر دلاک نى چقىرتىردى.
دلاک نینگ ايشى توگە گىندن سۈنگ، تاسلىگى خلق
آلدىدە بېللى بۈلمىسىلىگى اوچون، جلادنى چقىرىپ
بېچارە دلاک نینگ باشىنى آلدىرىدى.

بىركۇنى نوبت اوшибو رازدن خبرى بۈلگن بير
دلاک كە يېتدى. او ايشىنى توگتىگىندن سۈنگ،
پادشاه گە كۈپ يېئىپ-يالوارىپ، او بىلن اوшибو رازنى
يىشىرىن لىگىچە قالدىرىش گە آنت اىچىپ، عەد
باغلەدی. بو بىلن او جان سقلب قالدى. بىراق اوшибو

سِر ایچیگه اوْرهلیب، کون سهیین رنگى سرغە ییب
سمان بُولیب، جسمانی کوچى آزه يه بارردى.

بیرکونى چیدمی توگب، یوز یوره کنى بیر یوره ک
قىلىب، کېچقورون «شام گاو گُم» ده بیر اوْرمان
(جىنگل) گە باردى. او بار تاوشى بىلن يوكسک:

- «های مردم، آهای خلايق! بو پادشاه تاس دىر؛
های مردم بو پادشاه تاس اپكن!» دېب نېچە قتلە
شاوقىن قىلىب، کۈنگلى بۇشپ، انچە يېنگىل تارتىب،
قووانىب اوىيى گە قىتىدى.

بىراق بخت گە قرشى بير اوْتىنچى اوْرماندە اوْتىن
يىغىب يورگن اپكن، اوْشه پىت. او دلاك نىنگ
شاوقىنى نى اپشىتىبىدى و کېچقورون اوىيى گە
قىتىگىنيدە، قضىيەنى خاتىن-بلەلرىگە أىتىبىدى. كۈپ
اوْتمەى، بو راز بوتون شهرگە ترقەلیب، پادشاه گچە
پېتىب بارىبىدى.

پادشاه دلاكنى سرايىگە چقىرتىرىب، اوپكەله نىب

(غضبله نیب) دېبدى: اې دلاک، سېن اوشبو رازنى
آشكار قىلىمسلىكىكە آنت(قسم) اىچىپ، سۈز بېرگن
اپدىنگ-كۇ!

دلاک جواب بېرىيدى: ھە، عالم پناھ! بىراق
مېنینگ اوش مونداق آغىر يوكتى كۇتەرىپ يورىشگە
كۆچىم يېتىمەدى. عمرىمدن ھركون اۋتىشى بىلەن
اوشبو رازنى سقلش مېنگە آغىر و آغىر راق بۇلىپ،
گنهكار كۈزلىرىم اونگىيده اولىمنى كۈردىم. اېندى
ايىش بونداق توڭشى بىلەن باشىم نى تىيمىدن
كېستىريشىزگە مېن تىارمن. چون، بو بىلەن مېن
ھركونى اولگىندىن كۈرە بىر يۈلە اولىپ، جان بېرىپ
عذابدىن قوتىلەمن!

گپ، گپدىن اوتگىنинى پادشاھ پېقىب، دلاكىنى
اولدىرىلىشى فايىدەسىز اېكىنинى توشۇندى. دلاكىنى
كېچىرىدى و بو بىلەن بشقە دلاكلەر ھەم اولىمدىن
قوتىلدىلر!

چىمىدىم: بو بىلن پادشاهنىنگ اۋزى ھم يېنگىل تارتىب، تاسلىك رازىنى اسرەش عذابى و آرتىقچە قان توگىشىلەرن قوتىلگەن! يورە كەدە توگىلىپ ياتگەن آغريق، حسرت، قىغۇ يا أىتىشىگە باتىنالىمە قنداق دىر سۈز، كىشىنىنگ اىچىن ايمىرەدى، بوزەدى و نهايت اياقدن تىلەيدى. اۋزبېك خلقى فولكلورىدە «صبرتاش» و «آچىل قمىش» عجايىب اپرتىك(قصه)لىرى خودى شو روھى و پسکولوژىك حالتى اۋزىيگە عكس اپتىيرگەن.





پیرپنچلر، داپم قیین و اورنک بؤلر!

کریستف کولومب امریکا قطعه سینی کشف اپنگدن سونگ، اپل-یورتلرده ایچه دانگ تره تیب، تیللرگه توشدى. عادتگه کوره بیرعدهلر اوئىنگ آت-آوازه سیگه قیزغانیب(رشک قیلیب)، او حقدە يمان سۈزلر أیتیب، حتى مجلسلرده مسخره قیلیب، دېر اپدیلر: قیلگن ایشىنگ اوچھەلیك قىين و فوق العاده اپمس. هر کیم ھم اوشه تمان كىمە سوزىپ بارسە،

امريكاگە يېتىب بارىدى!

بېچارە كولومب قىزغۇنچاڭ(حسود)لرگە، دېنگىز
يۈللەرى خوف-خطرلى و تانىش بۈلمە گنلىگى حقدە
دلىللىر أىتىب، اولرنى قناعت بېرىشىگە اينتىلىسە ھم،
بىراق يورەگى قره قىزغۇنچاقلەر قبول قىلىمە ئى، اونى
ھمان مسخرە قىلىر و كمىسىتەرمىشلەر.

نەهايت، مجلسىردىن بىرىدە كترە و كنايە لردىن
بېزگەن كولومب، اولرگە تنبىيە بېرماق اوچۇن، مىزباندىن
بىر دانە يومورتقە(تخم) كېلىرىشنى سۈرەبىدى. تخم
حاضر بۈلگىندىن سارە، او تخم نى قىزغانچاڭ
كىمسە لرگە كۈرستە تورىب: سىزلىدىن قەى بىرىنگىز
شو تخمنى اوچى يا كۇتى بىلەن مىزىنېنگ اوستىيگە
تىككە قۇيالەدۇ؟ دېب سۈرەبىدى.

اۋىزىگە مغۇرۇ و خودىبىن قىزغۇنچاقلەر بىرىن-
كېتىن گىردىيىب كېلىپ، قىچە اۇرىنەمە سىنلىر، ھىچ
بىرى تخم نى تىككە تاختەتە آلمىدىلە!

شوندە بىرچەسى خجالت چېكىپ، باشلىرى اېگىلىپ قالىبىدى. كېين، كولومب اپسە تخمنى آلىپ، اوچى (يا كۇتى)نى سېكىن مىزگە اورىپ، آزگىنە سىندىرىيىدى و اوشه سىنگن يېرىدە، اونى مىزنىڭ اوستىيگە تىككە قۇيىبىدى. مجلسىدە گىلەر اونى تحسىن قىلىيىدىلر. كېين كريستف كولومب خودبىن قىزغۇنچاقلارگە قرهتە دېبىدى:

- منه شوگىنە ايش بىرتەنگىزنىڭ قۇلىدىن كېلمەدى. بىراق اپنەي بىر ايش بىرچە اوچون آسان بۇلدى. هربىرىنگىز مېن قىلگەن ايش يوزهسىدىن اۋنلب دانە تخمنى مىز اوستىيگە تىككە قۇيالەسىزلىر، دېبىدى!

او سۈزىگە دوام اپتىب، دېبىدى:

- امرىكانيڭ كشى كەنەنە ئەم شونداق بىر ايش اپدى.

اپنەي هەركىيم امرىكا بۇيلەپ بارالەدى!

شونى بىلىنگ، بىرىنچى ايشلەر دايىم قىين و بشقەلرگە اۋرنىك و آسان بۇلەدى!!

«كريستف كولومب»



چارلى چاپلين دېدى:

اوزاق مدت قشاقلىكىن سۈنگ بايلىككە
اپريشىديم. شوندە قويىدە گيلرنى اورگندىيم:
- پول بىلن ساعت ساتىب آلىش ممکن؛ بىراق
وقتنى اېمس.

- مقام و منصب ساتیب آلیش ممکن؛ بیراق حرمتنى اپمس.
- کتاب ساتیب آلیش ممکن؛ بیراق بیلیم نى اپمس.
- دارى ساتیب آلیش ممکن؛ بیراق ساغليق نى اپمس.
- اوخلش توشگى نى ساتیب آلیش ممکن؛ بیراق تىنج اويقونى اپمس....
- کيشيلرنىنگ ارزش-اعتبارى بايليكىكە اپمس، معرفتى گە باغليق.





يىماندىن ھم اپزگولىك(يخشىلىك) چىقرىن!

بىر جنايتچى بىر كىشىنى اولدىرىگن اپدى. او قاچىب، آواره بۈلۈپ، تورپاق بىلەن بىرته جندە كىيمىدە يوز-قولى افلاس، چرچب-هارىب ازانچە قارىلىپ بىر شهرچە گە يېتدى. نېچە كوندىن بېرى ھىج نرسە يېمەمى، جدا آج اپدى.

او، بىر مېوه ساتوو دكانى قىرشىسىدە توردى و بىريك-بىريك(كته-كته) تازە مالته لرگە تېلموردى. بىراق، ساتىب آليشىگە پولى يۈق اپدى.

شۇنىڭ اوچون، مېوه ساتوو چىدين كوج بىلەن يَا تىلينچىلىك قىلىپ، مالته آليشىدە ايکىلەنىب تورگن اپدى.

قولى چۈنتىگىدەگى چاقو تىغەسىنى لمس قىيلە

تۇرىب، بىردىن بىر مالتەنى كۆز اۇنگىيەدە كۈردى.
اختىارسىز چاقۇنى چۈتىيگىيە قۇيىپردى و ...
مېوه ساتووچى نىنگ قۇلۇدىن مالتەنى آلدى.
مېوه ساتووچى دېدى: آش بۇسىن، يى! پول
ايستەمەيمىن.

اوج كوندىن سۈنگ، قاچقىنىيەدە آدمىكش يىنە مېوه
ساتووچى نىنگ دوكانچەسى قىرشىسىدە تاپىلدى.
بو سفر(دفعە) دۇكان اپگەسى هېيج بىر نىمە
دېمىسدن، دراو نېچىتە مالتە قۇلۇگە قۇيدى.
قاچقىن(فرارى) آغزىنى آچىپ بىر نىمە دېماقچى
بۇلدى، بىراق جىملىكىدە مالتە لرنى يېب، تېزدە كېتدى.
كېچقورون دۇكان اپگەسى دۇكانىنى يىغىشىتىرىيش
چاغدە، كۆزى بىر كوندەلىك(روزىنامە) نىنگ بىرىنچى
بېتىگە توشدى.

مېوه ساتووچى كوندەلىكىدە گى باسىلگەن عكسنى
كۈرىب تانىدە و حىرتىدىن قاتدى.

عکس، اوندن تېكىن (مفت) گە مالتە آله دىيگن
جندە كىيملى كىمسە اپدى!
عکس نىنگ تىگىدە كتە حرفلىرى بىلەن: قاچقىندى
قاتىل، اونى تانىتىگەن كىشىيگە كتە مبلغ ساورىن (جايزە)
هم بېرىلىشى يازىلگەن اپدى. مېوه ساتووچى دراو
پوليس گە تىلفون قىلدى.
پوليسلىرى نېچە كون دۇكان تېڭىرە گىدە پايىلب،
كمىن قىلدىلەر.

اوچ-تۈرت كوندىن سارە جنايتچى اپرکك يىنە
دۇكان قىرشىسىدە كۈرينىدى. او كوندەلىكىدە باسىلىگەن
اوشه كىيمىنى كىيىگەن اپدى.
او، غيرعادى وضعىتىنى سېزگەن اپدى چاغى،
تېڭىرە كىكە باقدى.

ساتووچى و پوليسلىرى دقت بىلەن قاچقىن
جنايتچىنى كوزەتماقدە اپدىلەر. او توستىن تۈختەدى و
چۈنتىگىدەن چاقۇنى چىقەرىپ، يېرگە تىشلە دى.

قۇللىرىنى كۈترگۈن حالدە، تىنچگىنە پوليسلىر قورشاوى
ايچىيگە بارىب، هېيج قنداق مقاومت سىز اوشلندى.

اونى آلىپ كېتە ياتگىنلىرىدە، ساتووچى نىنگ
قولاغىيگە سېكىن شىبىرلىب: اوشه كوندەلىكىنى مېن
آلدىنگىگە قۇيىگەن اپدىم. بارىب ارقەسىنى اوقيب كۈر،
دېدى. كېين اوته راضى حالتده ايلجە يىگنچە
پوليس نىنگ موترييگە مىندى.

ساتووچى شاشىب(عجلە بىلەن) بارىب، كوندەلىكىنى
چىقدى. صفحە نىنگ ارقەسىدە قولده يازىلگەن
نېچە سطر يازۇونى كۈردى. اوندە شونداق يازىلگەن
اپدى:

مېن قاچە-قاچە چرچەدىم. مالته لىينگدن تشكىر.
اۋزىمنى اولدىرماققە اپندي تصميم آلماق پىتى،
سېنینگ آق كۈنگىللىكىنگ مېنگە تأثير قىلدى. قۇيى،
مېنى تاپىش اوچون بېرىلەدىگەن ساورىن، مختىلىرىنگ
اجرى بۇلسىن!



اريلر ملكهسى!

ايشچى عسل ارييلر گروھى اويمەلرى آلدىگە
پېتىب كېلىپ قرهسەلر، سب-سرىغ يات بىر ارى
(زنبور) «وز-وز» لب تورگن اېميش. ارييلر حىرتلهنىب،
بىرتهسى يات اريىدىن:

- سېن كىيم سن و بو يېرده نىمە قىيلە سن؟ دېب
سۈرەبدى.

- مېن ھم سىزلىرىدېك بىر ارى من و سىزلىرى بىلەن
يشهماقچى من، دېب جواب بېرىبىدى يات ارى «وز-
وز» لب.

كېين بال ارييلر و يات ارى اورتەلرىدە شونداق
سۈراق-جواب بۇلىبىدى:

- سېن ھم بىزدېك ارى بۇلسىنگ، گۈللەرن بال

- (عسل) بیغاله سن می؟ دېب سۈرە بدی بىر ارى.
- يۇق! دېب جواب بېرىيدى يات ارى «وز- وز» لب.
- خۇش، سېن عسلى بار گللىرنى تاپىپ، تىنلە ئى آلەسن می؟
- يۇق!
- أىت-چى، او يە قورماق قولىنگدن كېلە دى مى؟
- يۇق!
- خۇب، او يە قۇروقماللىيگى يا بلە لرنى باقىش قولىنگدن بلکە كېلر؟!
- يۇق!
- خۇش، اوندە سېنىنگ نىمە كمالىنگ بار؟
- مېنىنگ قۇرقىنچلى «وز- وز» تا ووشىم و زەرلى نىشىم بار! دېبىدى غۇردە يىب يات ارى.
- شوندە ارىيلر ارەسىدەن بىرتە هوشىار راغى كنايى

آهنگ ده شونداق دېبى: بو ارى، اوشبو خاصىتى بىلن
فقط او يەمۇنىنگ ملکەسى بۇلاھىدى، خلاص!!



بىرلىك و ترقاقلىك

اولكن سو تاشقىنى بار كوجى بىلن ساي بؤىسى
تاشلاق(سنگلاخ) اىچىگە آقىب كېلدى. تاشلاقىدە
آقىش پىتى، تاشقىن تۈلقىنلىرى اونگەدەگى و سۈلدەگى
همدە آلدەدەگى تاشلرگە كوچلى ضربە لر بېرىپ،
تاشلرنى بىر-بىرىگە اورىپ، سورىپ آلغە يوگوردى.
نتىجە دە جدا هىيتلى شاوقىن ھم اونىنگ كوج و
تۈلقولرىگە قوشىلدى. بوتون فضانى اوشبو هىيتلى
شاوقىن تۈلدىرگندى.

شوندە تاشقىن اۆز كوجى، تۈلقىنلىرى و هىيتلى
شاوقىن-سۈرانىنى كۈرىپ، تاشلاققە ضربە لر اورە

توریب، مغورو لرچه:

- ای بېچاره تاشلاق! سېنگە ضربە بېرە دىگن بو
کوچلى يوكسک تۈلقونلۇر و ھىبتلى تاۋوشىمەنى بىر
قرە. بوتۇن فضانى تۈلدىرىيپ، بىرچە مخلوقاتنى
تىيەرەتىب قويىگن، دېب طعنە قىلدى!

تاشلاق ھم بۈش كېلمەسى، او ھم مغورو لرچە:
- ای بېچاره تاشقىن! كوچىم، تۈلقينىم و
شاوقىنىم بار، دېب من-منلىكىكە بېرىلىپ، كۈپ ھم
تومشوغىنگ كۈككە كۈته رىلىپ قالماھسىن. بولرنىنگ
برچەسى مېنинگ بركتىيمدن دىر. اگر مېن بۈلمە سەم،
سېنده ھم بو ھىيت و صلاحت قالماھ يىدى، دېدى
تاشقىن گە!

شونداق قىلىپ، بىر آز چاغ اوتدى. سوو تاشقىنى
شاوقىن-سوران قىلىپ، ھرتىمانگە سىكىرە ب،
تۈلقونلەنېب، تاشلاقدن چىقىب تېكىيس يېرگە آقىب
باردى. اپنەيىھە، تاشقىن يوواش و جىمگىنە، ھىچ

قنداق تۈلقون سىز بىر مaramde تېكىس آقىب بارىب،
نهايت كېنگ يېرگە سىنگىب كېتدى!
آرتده اپسە، تاشلاقدە ھم سوو تاشقىنى اوْتىب
كېتىگىندە سۈنگ، بوتونلەرى جىم-جيلىك حىكمىان
اپدى. بوتون تاشلاقنىڭ مىدە يو-كىتە تاشلىرى
قوياشنىڭ جىزىرىمە ايسىغىيە قىزىب، قىقىش ياتىگەن
اپدى.

ھە، تاشقىن و تاشلاق بىرلىگە، كىتە كوج، اولىكن
تۈلقونلار و ھىيتلى شاوقىن-سورانى نمايشىگە قۇيىگەن
اپدىلەر. بىراق، اولر بىر-بىريدىن اجرە لگىنە، بىرچە
نمايش ھم توگب قالدى!



وفالى عياللر قۇرغانىنىڭ اپرتىگى

آلمان نىنگ وينسبرگ شەھرىيە «وفالى عياللر قۇرغانى» آتلى بىر قۇرغان(قلعه) بار. بو قۇرغان حقييده، اپل دايىم فخرلەنib أىتىب يورگن عجايب بىر اپرتىك(افسانە) بار.

میلادىي ۱۱۴۰ - يىلى شاه اوچىنىچى كىنراد شەھرنى اپگىللەيدى. بىرچە اولوس قۇرغانگە پناه اپلتەدىلر. شوندە ياو قوماندانى، فقط عياللر و بالەلرگە قۇرغاندىن چىقىب كېتىش گە رخصت بېرىلەدى، دېب خبر بېرەدى. شونىنگدېك، اپلىك(جوانىمردىك) يوزەسىدىن اولرگە اۋزلىرى بىلەن، فقط هەركىيم يلغۇز اۋز كۆچىگە يىرەشە كۈته رەآلگەن شرطى بىلەن، اپنگ قىمتلى بايلىكلەرىنى ھەم آلىب كېتىش اوچون رخصت

بِسْرِ يَلْهَدِي.

هـ بـ يـ رـ خـ اـ تـ يـ اـ وـ زـ اـ بـ رـ يـ نـ اـ رـ قـ هـ سـ يـ گـ کـ وـ تـ هـ رـ يـ بـ
آـ لـ يـ قـ وـ رـ غـ اـ نـ دـ چـ يـ قـ نـ يـ دـ هـ صـ حـ نـ هـ نـ اـ وـ تـ هـ حـ يـ رـ بـ يـ لـ
کـ وـ زـ هـ تـ يـ بـ تـ وـ رـ گـ قـ وـ مـ اـ نـ دـ اـ نـ يـ نـ گـ قـ يـ اـ فـ هـ سـ کـ وـ رـ لـ
اـ بـ دـ ي~!....

بويلاق (اوينمه گن، مجرد) عياللر هم آته، اكه، اوکه يا هم يقينلرينى ارقه لريگه كۈته رىب آلېب كېتىماقدە اپدىلر.

شاھنینگ کولگیسی کپله دی و سُوزیده توریب،
اولرگه کیتیشگه رخصت بیره دی.

اوшибو قۇرغان اوشه كېز(زمان) دن بوجونگچە
«وفالى عياللر قۇرغانى» آتى بىلن تانىلىب، دانگ
ترەتگىن.

او اپل تیریکلیگی نینگ اپنگ قیمتلى نرسه سى پول و مادى بايلىكلر اېمسىدى. او ھوشلى خلق آلدىدە اپنگ قیمتلى بايلىك، اوْز عزيزلىرى حىاتىنى

قوتقة ریش اپدی. بونداق اپزگو خصلت هرقنداق
تحسین گه لايق دیر.



«تیویارک تایمز» مجله سی ساوريئنی نی الگن
اپنگ قيسقه داستان

بیر سياح، تانيقلی بير زاهدنی زيارت قيلماق
اوچون بير قيشلاققه باردي. زاهدنی ايخچم گينه
كىچيك بير اتاقده يشه ياتگنى نى كوردى. اتاق
كتابلردن توله اپدی. اوندن تشرى، بير ميزچه و
اوزونچاق اوپىندىق قينه هم كورىنردى. شوندە سياح
زاهددن:

- اوپىنگىزنىنگ بويملىرى قەيپرده؟ دېب
سۈرەدى.

زاهد اپسه: سېنینگ بويملىرىنگ قەيپرده؟ دېب

سۈرەدى.

- مېن بۇ يېرده مسافرمن، دېدى سياح.
- مېن ھم ...!، دېدى زاھد.



سلطان محمود غزنوی و دادخواهلىك چاغىدەگى اوچتە ايستىگى:

تونلرنىنگ بىرىيده سلطان محمود غزنوی قنچە
اۋرىئىنمەسىن، او خلالىمەدى. نوکىرلەك دېيدى: بىراوگە
ظلەم بۈلگەن، چاغى. بارىنگلەرنى تاپىپ كېلىتىرىنگلە!
نوکىرلەر بىرآز ايزىل، قىتىپ كېلىپ، دېدىيلر:
- سلطان ساغ بۈلسىنلەر، دادخواهلىك قىلەدىگەن
كىشىنى تاپىمەدىك.

بىراق سلطان تعىن او خلالىمەدى. اۋزى توردى و

المشمه(مُبَدِّل) کییم بیلن چیقدی. سرای(ارگ، سلطان
قصری) ارقه‌سی و حرم‌سرای نینگ یانیده بیر ناله
اپشیتیدی:

- یا تېنگری! محمود حاضر ندیم لرى بیلن
سرایدە اولتیرگن و او نینگ سرايى يقينىدە شونداق
ظلم بۈله‌دى.

سلطان بو سۈزنى اپشیتیب، دېدی: نىمە دېیسن؟
منه مېن محمود من و سېنینگ اوچون كېلگىمن. أىت
-چى، گپ نىمە‌دى؟
او كىمسە دېدی:

- مېن آتىنى بىلمەيدىگن، سېنینگ يقىنلىرىدىن
بىر كىشى تونلرى او بىم گە باستيرىب كېلىب، زۇرغە
خاتىنیم گە اذىت و آزار بېرەدى.
- حاضر او قەيىرده دىر؟
- كېتىگن بۈلىشى كېرەك.

سلطان دېدی: هرقچان او ينه كېلسە، مېنى خبر

قیل و مظلوم کېمسەنی سرای ساقچىلریگە تانیتىب:
- هرقچان بو آدم مېنى اىستە سە، مېنگە

يېتكەزىنگلر، حتى نمازده ھم بۇلسىم-دە.

اپرته سى تون اوشە قوماندان ينه بېچارە
اپرکەنینگ اوئىي گە باردى. بېچارە اپرکەن سلطان
سرايى تمان يوگوردى. سلطان محمود اپسە يىلغاج
قىليچنى قولگە آلىب جۈندى. اوىنینگ يقىنىيە
يېتكىنيدە، قوماندان نينگ عيش-عشرت تاوشىينى
اپشىتىدى. چراڭنى اوچىرىپ تورىنگلر، دېب بويروق
بېرىدى. كېين اوشە ظالىمنى قىلىچ بىلن اولدىردى.
كېين، چراڭنى ياقىنگلر، دېب بويروق بېرىدى. او
اولگەن نينگ يوزىيگە باقدى. باققۇن بىلن آق باشنى
سجىدە گە قۇيدى.

كېين اوى اپگەسىيگە: جدا آچ من، بىر پرچە نان
كېلتىر، دېدى.

اوى اپگەسى عرض قىلدى:

- سېندېك بیر سلطان، مېندېك بیر كمبغل نىنگ
نانى گە قنداق قناعت قىلەسەن؟
سلطان دېدى: بارىنگنى كېلتىر.
اپ بير پرچە نان كېلتىردى. او چragنى
اوچتىرىب، قىتىب ياقتىرگنى، سجده قىلىش و نان
ايستەگنى نىنگ دلىلىنى سلطان دن سۈرەدى. سلطان
محمود دېدى:

- اوشه تون سېنىڭ ماجرانگنى اېشىتىب،
مېنىڭ سلطنتىم زمانىدە بونداق ايشگە، اوغىللاريمدن
اۆزگە كىشى جرأت قىلالمه يدى، دېب اوپىلەدىم. شو
اوچون، آتەلىك مەھرى عدالت اجراسىيگە تغىن مانع
بۈلمەسىن، دېب چragنى اوچىرتىردىم. چrag
ياقىلگىندىن سۈنگ، قرهسم اوغىلىم اېمس، اۆزگە
كىشى اېكن. شو اوچون شىركانە سجده قىلدىم.
بىراق اوشه كېچەدە مېنىڭ يورتىمە شونداق
ظلام بۈلىشىدىن خبر بۈلگىندىن سۈنگ، سېنىڭ

دادىنگ گە يېتىپ، عدالت قىلمە گۇنىمچە، طعامگە لب
تېگىزمه يمن، دېب تېنگرىيگە آنت اىچگەن اپدىم. نان
ايستە گىئىم سببى شو اپدى. اوشه پىتىدن بېرى
حاضر گچە هىچ نرسە يېمە گىمن.



قنداق اۇرگەنىش كېرەك؟

مولوي بلخى-رومىي دېيدى:
آدمى فربە شود از راھ گوش
جانور فربە شود از حلق و نوش
روايت قىلىشلىيچە، بىرکونى بىر يىگىت بويوك
فيلىسوف سقراطىنىڭ قاشىيگە كېلىپ دېدى:
- سىزدىن فلسفةنى اۇرگەنىش ايستە يمن.
سقراط دېدى: يقين بىلەن كېلىدىنگ مى?
- ھە! دېب جواب بېرىدى يىگىت.

شوندە سقراط بیگیتنى بیر حوض قاشیگە آلیب

باریب، دېدى:

- باشینگنی سووگە تيق!

بیگیت باشینى سووگە تيقىدى. بیرآزدن سۈنگ،

سقراط بیگیت نىنگ بۇینىدەن توپىب، باشینى سوودە

توپىب توردى. نېچە دقىقە دەن سۈنگ، بیگیت نىنگ

نفسى كويىب، بۇغىق حالت دەن قوتىلماق اوچون

قۇللارىنى قىميرلەتىدى. شوندە سقراط بیگیت نىنگ

بۇینىنى قۇيىپىرىدى.

بیگیت نفس-نفس اورىب، باشینى سوودەن

چىقاردى و سقراط دەن اوشبو ايشى نىنگ دلىلىنى

سۈرەتدى.


سقراط جواب بېرىدى: اوشه پىتىدە بوتون

وجودىنگ بىلەن نىمەنی اىستەدىنگ؟

- ھوانى گىنە اىستەدىم، خلاص!

سقراط دېدى: اپندى اوينىڭ گە بار و بو حقدە

يخشىلپ اوپىلە. اگر فلسفةنى ھم شونداق بوتون وجودىنگ بىلن ايستەسنسىگ، اوشىنداھ مېنینگ قاشىمىگە كېل و مېن سېنگە فلسفة اوئرگەتەرى!



انشتىن بىلن چارلى چاپلىن اوئرتەسىدە گى سوال و جواب!

بىرکون دنياده دانگ ترەتگن مشهور فيزيك عالمى «آلبرت انشتىن»، جهان گە مشهور سينما كوميديىنى «چارلى چاپلىن» گە دېدى: سېن، مشهور بۇلگىنинگ سبىنى نى بىلەسەن مى؟

سببی، سپن سُوزله‌مه یسن، بیراق اپل سُوزینگنی
توشونه‌دی، دېبدی!
شونده چارلی چاپلین کولیب جواب بېرگن: سپن،
مشهور بولگنینگ سببی‌نى بىلەسەن مى؟
سببی، سپن سُوزله یسن، بیراق هىچ كيم
سُوزلرینگنی توشونمەيدى!!!



قوش لر مناظره‌سى!

آچىكىن اولىم حالىدە بولگن بورگوت، سۈنگىگى
نفسلىرىنى ترتماقدە اپدى.
قرغە و كركس اپسە كىيىكىننگ أينىگن اولكسە
(لاشه) سىنى يېماقدە اپدىلر.
بىر ياغاج(درخت) نىنگ شاخەسىدە اپسە عقللى
بايقوش اولرگە باقدى.

قرغە بىلن كركس بايقوشگە باقىب، دېدىلر: بو
اخماق بورگوتى قره، اوزى نىنگ اخماقلرچە(احمقانە)
غۇرۇرى طفىلى جان بېرماقدە! بىز بىلن كېلىپ همطباق
بۈلگىنىدە، اولىمدىن قوتىلردى. حال و كونىنى كۈر!
سېن بورگوتى ينه ھم قوشلارنىڭ سلطانى، دېب
بىلەسەن مى؟

بايقوش اولرگە قره تە دېدى:

- بورگوت، نې كركس دېك اولكسە خور و نې
ھم قرغە كېي اوغرى دىر. اولر بورگوت دىر! آچلىكدىن
اولسە اولەدى، بىراق (اما) اصلىتىنى قولدىن
چىقىمەيدىلر. بورگوتلرگە كۈرە، قنداق يىشش مەم
دىر، نې قنچە يىشش!

بىز انسانلارنىڭ تورموشىمىز ھم خودى
بورگوت دېك بۈللىشى كېرەك، قنچە تىريك اپكىنېمىز
مەممەپس، مەممى اپنگ يخشى شكلدە يىششىمىز
كېرەك.



ایش باشدن بوزوق اپکن!

بیر میخ اوچون، بیر تقه(نعل) توشدى،
بیر تقه اوچون، بیر آت ييقىلدى،
بیر آت اوچون، بیر آتلىق ييقىلدى،
بیر آتلىق اوچون، بیر اوروش يېنگىلدى،
بیر يېنگىلگن اوچون، بیر اولكە يۈق بۈلدى،
و بونىنگ برچەسى، مىخنى يخشى قاقمه گن
کىشى اوچون اپدى!





صائب تبريزى دن چيرايلى بير بيت

میرزا صائب گه مشهور میرزا محمد علی هجری
اون بیرینچى عصرنىڭ دانگ ترە تگن يېتۈك
پارسى گوی شاعرلارىدىن دىر. شعرلرى نىنگ اساسىي
قىسى پارسچە بولىپ، آنه تىلىدە گى توركچە شعرلرى
از دىر (چمهسى ٢٠ تە غزل).

او تبریزده توغیلیب، هجری ۱۰۸۶ بیلی
اصفهان ده اولگن. قبری شو شهرده دیر.
صاحب هرات، کابل و هندوستان گه سفر قیلیب،
بیرمدت شاهجهان سراییده هم یشه دی. کابل
وصفیده شعر هم یازگن.
صاحب نینگ تورکچه غزللریدن بیر چیرایلی بیت:
تو تولموش کونلومو جام ایله شادان ایله مک اولماز
اپل ایلن پسته نین آغزینی خندان ایله مک اولماز
تبریز لیک صائب



أَيْرِيم سُؤْلُر مَعْنَاسِي:
كُونلومو: كُونگلِيمىنى;
إِل / ايل: قُول;
إِيلن: بِيلن



عبرتلى حكايت

قدىم زمانلرده بىلىملى بىر پادشاه بار اېكىن.
بىر كونى او، يۈلا وچى (رهگىذر) لرنىنگ مناسبتى نى
بىلماق اوچون يۈل نىنگ اۇرتەسىدە بىرىيک (كته) بىر
تاشنى قۇيىپ، اۋزى بىر پىنه دە بېكىنىب (يشىرىنىب)
پايدىل ئولتىرىيىدى.

أىرييم بايلر، تاجىلر و پادشاهنىنگ نديملر و
منصبدارلرى يۈلدن اۇتە تورىب، تاش آلدىن
پرواسىز لرچە (بىپروا) اۇتىيىدىلر. أىرييم كىمسە لر ھم
تاش آلدىن اۇتە يازىب، غور-غورلۇ: بو قنداق
نظم سىز شەھر دىر. بو شەھر حاكمى قىچەلر كفایىتسىز
و بېكارە، دېب شونداق اۇتىب كېتىدىلر!
يۈلا وچىلرنىنگ تاش آلدىن اۇتىب-قىتىشلىرى

كۈن بۇيى شونداق دوام اپتىبىدى. كىچقورون بىر قىشلاقلىك كىمسە(كىشى، شخص) ارقەسىيگە مېوه-چېوه كۇته رىب كېلىپىدى. او تاش آلدىگە يېتىگىنده يېلکەسىدە گى يو كىنى يېرگە قۇيىب، بىر عمللىپ تاشنى يېل چېكەسىيگە سورىب قۇيىبىدى.

شوندە توستىن(ناگەhan) قىشلاقلىك نىنڭ كۈزى تاش تىگىدە قۇيىلگەن بىر خلتەچە گە توشىبىدى. او خلتەنى شونداق آچىب قرهسە، اىچى تولە آلتۇن و اينجو(جواهر)لر ايمىش! بىراق(اما، لىكىن)، خلتە اىچىدە بىر قىسقە نامە ھەم بار اپكىن. نامەدە شونداق يازىلگەن اپكىن:

«انسان تورموشى اوْزگىرىشى(تغىيرى) اوچون، ھەر بىر تۈسۈق(مانع) و قىينچىلىك بىر شانس بؤلىشى ممكىن!»





جاپانده یوز بېرگن چین بیر داستان

بیر کىشى اوبي نينگ دیوارنى قىيە قورماق اوچون بوزردى. جاپانچە اويلر يغاچدن يسلگن بۈلەپ، دیوارلار اره لىغىدە بۇشلىغى بار. بو آدم دیوارنى بوزر چاغدە، ايا غىيگە بير مىخ كىريپ قالگن بير كلتە كېسکكە(كلاس، چىپاسەگە) كۈزى توشدى. يورەگى كويىب، بير زوم(لحظه) سينچكاو بۇلدى. مىخنى دقت بىلەن تېكشىريپ قرهسە، مىخ بوندن ۱۰ يىل بورون، اوينى قورىش پىتىدە دیوارگە قاقىلگن اپكىن!!

نېمە یوز بېرگن اپكىن؟!

كلتە كېسک بير قارانفو يېرده حرڪتسيز، بونداق وضعىتىدە ۱۰ يىل تىريپ قالگن اپمىش!!!

انسان تصویریگه سیغمه یدیگن درجه ۵
امکان سیز نرسه!

بوندن اوته حیرتلنگن کیشی ایشینی تؤخته تیب،
كلته کېسکنی کوزه تیب توریب، اوزیچه: بو مدتده
نیمه قیلر کن؟ قنداق قیلیب و نیمه يېر کن؟ دېب!
كلته کېسکنی کوزه تیب، حیرت عالمیده اوییلب
تورگن بیر پیتده، توستدن (ناگهان) آغزیگه مونچه
پېمک تیشله گن ایکینچى كلته کېسک کېلیب
قالبیدى!!!

جاپانلىك اېركك کېسکىن بې ضاوطە (منقلیب)
بۈلپىدى.

اون بیل اسرەش - اوھىلش! قنداق عجایب
سېوگى! قنداق بير گۈزەل سېوگى!!

بىر كىچىك جانزاد شونچە لىك بو يوڭ
سېوگىسى بۈلسە-دە، اوندە چىندىن اينتىلگىنىمىزدە،
بىزلىر بىر يېرىكلىكىمىز بىلەن قنچە سېوگىمىز بۈلدى؟!



چىن سېوישگىلار!

بىر چال، كمپىرى يىلن نهايت قشاقلىكىدە يىشراپكىلەر.

اوخىش پىتى چال نىنگ كمپىرى، ساچلىرىنى ترهش اوچون بىر تراغ ساتىب آلىب بېرىشىينى اىستەدى.

چال اپسە كمپىرييگە مونگلى(حزن أميز) باقىب:
- ساتىب آلىب بېرالمه يمن. ساعتىم نىنگ باغى اوزىلگەن، حتى شونگە يىنگى باغ(بند) آلالمه يمن، دېدى.

كمپىر بۈلسە كولىم سىرە ب قۇيىب، جىم بۈلدى... اپرتهسى، چال ايشى توگەگىندىن سۈنگ بازارگە باردى. او ساعتىنى ساتىب، خاتىنى گە بىرتە

تراغ ساتیب آلدی...

قۇلیده تراغ اویگە كېلگەن پىتىدە حىرت بىلن
باقسە، خاتىنى ساچلىرىنى كلتە قىلىدىرىپ، اونىنگ
ساعىيگە يىنگى باغ آلگن اپمىش!
اولر هنگ و منگ بۈلگەن حالدە، ياش آقىزىپ
بىر-بىرلىگە باقر اپمىشلر.

كۆز ياشلىرى، قىلگەن ايشلىرى بىكارگە كېتگىنىدىن
اپمس، بلکە اولر بىر-بىرلىرىنى بىر برابر سېوگىلرىدىن
همدە هر بىرى بىشىقىسىنىنگ قووانچى اوبي(فکرى)
دە اپكىلرىدە اپدى.

اپسىمېزدە بۈلسىن:

اگر بىراونى سېوسىنگ يا هم بىراو سېنى سېوسە،
اونىنگ قووانچى اوچون اينتىلىشىنگ كېرەك....
چىن سېوگى سۈزدە اپمس، عملدە؛ بىر تماندن
اپمس، اىكلە تماندن بۈلهدە!



حکمتلى آو(شكار)!

افريقا بوميلرى يغاج(درخت) تنه سىدە بىر نېچە چوقور كاولب، اولرنىنگ اىچىگە نېچىتە يانغاڭ قۇيىدەيلر. مىمۇنلر يانغاڭ يېماقچى بۈلۈپ، قۇللارىنى اوشە غارگە تىقىب، يانغاقلرنى قۇللارىگە قىسىب آله دىلر. بو غارلارنىڭ آغزى كۈپ تار بۈلۈپ، مۇشتىرىدە يانغاقلرنى قىسىب اوشلە گن مىمۇنلر، قۇللارىنى اوندىن چىقىرالىمەيدىلر.

اولر شاووقىن-سۈران سالىپ، اوزلىرىنى اوياق- بوياققە حرڪت بېرسەلر-دە، بىراق قۇللارىنى آچىب يانغاقلرنى تىشىپ، تېزدە بو مىخىصەدن قوتىلىماقنى، اصلا اوپىلالىمەيدىلر(عقللىرى يېتمەيدى)! نتىجە دە، مىمۇنلر افريقا آوچىلىرى اولجەسى بۈلەدەيلر.

چىمىدىم: بىزنىنگ ايشانچلر، اوپىلر و اپرىشىلىشى ناممكىن بولغان اىستكلىرىمىز، بىزنىنگ يانغاقلرىمىز دىر. اگر اولرنى قۇيىپرسك، قوتىلب اپركىن بولھەمىز. بىراق، بىز اولرنى قۇيىپرالمهى، اوپىلرىمىزنىنگ قماغىدە اسىرمىز!



بالهلىك عبرتلى ماجرالريدين

انگليس بويوک سياستچىسى وينستون چرچىيل اوزىنىنگ اپسدهلىك كتابىدە شونداق يازىدە: اون بىر ياشلى باله بولغان كېز(وقت، چاغ)لىمدە، بىرکونى مكتبىنىڭ اوج كىشى شوخ و سوربىت بلەسى يۈلىمنى تۈسىدىلر. اولر مېنى يخشى سبه لب (اورىب)، پوللىرىمنى ھم زوردىن آلدىلر. اوىگە بارىب، يىغلب كۈزىاشى قىلىپ ماجرانى آتهمگە

أيتديم.

آته مېنگە تحقيرآميىز باقىب، دېدى: مېن، سېندن بوندن كۈرە كۈپرەق نرسە كوتىگەن اپدىم. اوج كىشى نادان و يىلايى بالەدن تىاق يېماق چىندن ھم شرمندەلىك دىر! مېن اوغلىمۇنى جدا چقان و اوتكىر، دېب اوپىلەگندىم، بىراق يىنگلىشىگەن اپكىمن. كېين او: بو سېنىڭ مشكلىنگ، اوزىنگ حل قىلىشىنگ كېرەك، دېدى باشىنى قىميرلەتىب.

چىرچىل يازەدى: آته حمايتىنى مېندن أىيەگنىدىن سۈنگ، اوزىم بىرار چارە تاپىشىگە عزم قىلىدىم. بىرىنچى، اولرنى بىرتە-بىرتە جزالەسى آله من، دېب اوپىلەدىم. بىراق، كېين اولر قىتە بىرگە بۈللىپ، تغىن مېنى يىنچەدىلر، دېدىم.

توستىن(ناگەنان) بىر فكر اپسىمىڭە توشدى! بازاردىن اوچتە شىكلات ساتىپ آلىپ، اوزىم بىلەن مكتېگە آلىپ باردىم. مكتب رخست بۈلگىنە، سېكىن

اولرنینگ آرتیدن یوْلگه توشدیم. اولر ارقه لریگه متوجه
اپسديلر. بير بُوش کوچه نينگ باشىگه يېتىگىنده،
قيچىرىدىم:

- ھىرى بالەلر، تاختتىگلر!

كېين اولرنينگ قاشىگه بارىب، شكلاتلىرنى
چۈنتىگىمدن چىقه رىب، هر قىسى سىگە بىرته شكلات
بىردىم. باشدە اولر ايکىلە نىب، مېنگە شىك بىلەن
باقدىلر. كېين شكلاتلىرنى مېندىن آدىلر و تىشكىر
قىلدىلر. مېن دېدىم:

- بىر-بىريمىز بىلەن دوستلىشىشك، نىمە دېسىزلىر؟
كېين، بىرگە قدم اوپىر ئىرىپ اوى سرى كېتىدىك.
مېنینگ ايشيم اولرنى خجالتىدە قۇيگىنلىگى بېللى
اپدى!





ينه جاپانلىكىلردىن عجايىب اورنىك سۈز
ايكىنچى جهان اوروشىدىن سۈنگ، جاپان
باشلىغىرىدىن بىرىيگە شونداق سۇراق بېردىلىر:
يورتىنگىز، امرىكا بىرىنچى سفر(قتله، دفعه) اتم
بمبىنى تىلب پارتلىتكىن يىگانه اولكە اپدى. قاعده گە
كۈره، سىزلىر امرىكانىنگ اپنگ بويووك دشمنى
بۈلسىنگىز. اپندى نېگە هىچ قچان «امرىكاگە اولوم!»
شعارىنى بېرمەيسىزلىر؟
او شونداق جواب بېرىيدى: شuar بېرىش، عملدە
هىچ بىر ايش قىلالمه يىدىگىنلىرىنىڭ ايشى دىر! اپنگ
مهمى، بىزنىنگ پاناسونىك تىلفونىمىز امرىكا جمهور
رئىسى مىزى نىنگ اوستىگە اولتىرگىنى، بىزنىنگ
يوتوغىيمىز بېلگىسى دىر!!



بىلىم، كوج دىر!

بىر بانكى اوغىرلش چاغى، اوغرى بقىردى:
«ھىچ كىيم قىميرلەمەسىن. پوللر، دولتنيكى دىر.»
بو سۈز بىلن، بىرچەلر يوواشىگىنە يېرگە چۈزىلىپ
ياتدىلر.

بونى: «تىفكىر يۈرۈغى» دېيدىلر.

قراقچىلر پوللرنى آلىب يىشىرىن جايلىرىگە
بارگىنلىرىدە، تجارت دىپلومى بۈلگەن ياش اوغرى،
آلتينچى صنفنى زۇرغە اوقييگەن چەسۋاد كېكسە
اوغرىيگە: «كېل، اپنەي پوللرنى سەنەيلىك!» دېدى.
كېكسە اوغرى بۈلسە: «شاشىلمە! كۈپ
چۈزىلمە يدى، شو آقشام تلوىزىيون اوغىرلۇڭن مبلغنى
اعلان قىلەدى» دېدى. بونى «تجربە» دېيدىلر.

اوغرىيلر بانكدىن چىقىب كېتىگەندىن سۈنگ، بانك مدیرى رئىسى گە: «دراو پوليسىگە خبر بېرىھ من!» دېدى.

بىراق كاركىشته رئيس: «شاشىلمە، بىرآز اوژىمىز ھم اوچىجە قىلىپ، اىلگىرىنى اوچىجەلىرىمىز گە قوشەيلىك. كېين اونى ھم اوغىرنىڭن پوللرگە قوشىپ، اعلام قىلەمۇز!» دېدى.

بۇنى «تولقۇن بىلەن بىرگە سوزماق» دېيدىلر. تلوىزىيون رقمنى اعالان قىلگەندىن كېين، اوغرىيلر پوللارىنى سىن، جدا عصىلرى ترهنگ بۇلىپ: «بىزلىرى جانىمىزنى جبارگە بېرىپ، ۲۰ مىليون قولگە كىرىتىدىك، بىراق بانك باشلىقلرى بىر لحظەدە، هىچ قنداق خوف-خطرسىز ۸۰ مىليون قولگە كىرىتىدىلر!» بۇنى اپسە «بىلىم، آلتوندن ارزىلى دىر» دېيدىلر. بىلىم، كوج دىر.



«عمر، آقرَ دریا!» (مقال)

بویوک درامه یاززوچی ویلیام شکسپیر دېیدى:
سوْزلەی آله دىگن پیتىمده دېدىلر: قولاق سال!...
اوينەی آله دىگن چاغىمده، مېنگە ايشلىشنى
اور گىتدىلر...
بىر ايش تاپگەن كېزىمده، او يىلدىيم...
او يىلنگەن پىتىمده، بالەلر كېلدىلر....
اولرنى توشونگەن پىتىمده، مېنى ترك اپتدىلر....
قنداق يىشىنى اور گىنگىئىم كېزدە، تىرىيكلىك
تو گەدە!...

* ثانىيەلر قدرىنى بىلەيلىك و گۈزەل يشهيلىك.

* پىت = چاغ = كېز: وقت، زمان



میش- میش(شايعه)دن قۇرقىنگىز!

بىتى يوز بىل بورون اصفهان شەھرىدە بىر مسجد
قورر اپدىلر.

ایش توگب، ايشچىلر بۈلسە قالگن سۈنگى
مېدە- چويدە ايشلرنى قىلماقدە اپدىلر.
بىر كمپىر او يېردىن اوتماقدە اپدى.

توستىن(ناگھان) كمپىر تۈختب مسجد
منارەسىگە تىكىلىيپ: نظرىمە مسجد منارەسى اپگرى
دېدى!

ايشچىلر كمپىرگە كولدىلر، بيراق قورووچى اوستا
بۈلسە اولرگە بقىرىيپ: جىم بۈلينگ! دېدى.

كېين، يجاج(چوب) كېلتىرينىڭلر و ايشچى
چارلنجىلر! يجاجنى منارەگە تىيە نتىرينىڭ! اپندى

برچه نگیز بیرگه فشار بپرینگ! هه، فشااااارررررررر، ينه
فشااااارررررررر، ينه بیر آز، هه!!!!!!
اوستا بو قیلمیشی جریانیده ایزچیل کمپیردن: آنه
جان توزوک بؤلديمي؟ دېب سۈرردى.
بیر نېچە دقىقەدن سۈنگ، كمپير توزوک بؤلدى
دېدى. و دعا قىلىپ يۈلينى آلىب كېتدى.
شوندە ايشچىلر اوستادن: فشار بىلن بو اولكىن
منارنى تۈغريش ممکن مى؟! دېب سۈرەدىلر حىرت
بىلن.

اوستا قورووجى جواب بېرىدى: يۈق، بيراق بو
بىلن مىش- مىشلر الدينى آلش ممکن!
اگر كمپير كېتىپ، كىشىلرگە منار اېڭرى(كج)
قورىلگەن دېگىنده، «منار اېڭرى» دېگەن مىش- مىش
بوتون خلايىق اىچىدە ترقەلردى. اوندە هيچ قىچان
منارنى اولوس ذهنىدە تۈغريلهى المس اېدىك.
بىراق، حاضر مېن بيرگىنە يغاچ و بىرآز كوج بىلن

منارنى دايىم تۈغرىلىب قۇيدىم!!

ميش - مىشدىن قۇرقىنگىز!

تىجارت، ايشينگىز و حتى تورموشىنگىزدە ميش -
مىشدىن قۇرقىنگىز.

اگر اۆز وقتىدە عمل قىلسىنگىز، مىش - مىش
نىڭ آلدىنى آلىپ، تورموشىنگىز منارە سىنى
تۈغرىلەي آلگن بۇلەسىز.



حرامزادەلىك!

كۈنلرنىنگ بىرىدە بىر شىخ تېگىرمانگە باردى.
قرەسە، تېگىرمان اپشكىننگ بۈيىنگە باغلانگن
و اپشك أىلەنib تېگىرماننى يورىتماقدە. اپشكىننگ
بۈيىنگە بىر قۇنقىراق ھم تاقىلگن اپمىش.
شىخ تېگىرمانچىدىن سۈرەدى: نېگە اپشكىننگ

بۈيىنگە قۇنغيراق تاقىب سىز؟

تېگىرمانچى جواب بېرىدى: مبادا يورمە ئى
تاخته سە، ايشلەمە گىنىنى بىلىشىم اوچون!
شىخ يىنه سۈرەدى: خۇش، اگر اېشك تاختب
باشىنى قمىرلتىسە - چى؟

تېگىرمانچى دېدى: شىخ جنابلىرى، التماس لطفن
بۇنداق حرامزادەلىكىنى اېشكىكە اوڭىتمنىڭ!!!



هارونالرشيد يورتىنىنگ قىمتى!

روايت قىلىشلىرىچە، ابن سماك آتلى بىر وعظچى
هارونالرشيد حضورىگە باردى. هارون اوندن اوگىت و
وعظ اېتماقنى اىستەدى.

وعظچى دېدى: اى مومنلار اميرى! چنقاقلىك پىتىنگ
سېنى سوودن منع قىلسەلر، بىر آز شربت سوو اوچون

قنچه بپرهسن؟

هارون دېدى:

- یورتیم نینگ یریمی نى!

ینه سۈرەدەن دېدى:

- سیبیدیگینگ قیسته گن پیت، اگر سیبیدیگینگ

یۇلى بېركىلیب (بند بۇلیب) قالسە، اوشە ایچكىن سوونى
سیيالمه سنگ، قوتىلىش اوچون قنچه بپرهسن؟

- قالگن یریم یورتیم نى، دېدى هارون!

- اوندە قىمتى بىر شربىت سوو و بىر يۈلە

سیيماقچە ارزىبىدیگن سلطنتگە الدنمه و مغۇرور
بۈلمە گىن، دېدى و عظچى!





جدا قیین و عجایب اوین! ا

بیرکونى روانشناسلیك استادى صنفگه کېلدى و
اُوقووچیلرگە: بوجون بير اوين قىلماقچىمۇز، دېدى!
كېين او، اُوقووچىلردن بير كىشى كۈنگىللى
(داوطلبانه) تخته قاشىيگە كېلىسىن، دېب ايستەدى.
بىر عيال بو ايشىگە حاضر بولدى. استاد اىسە
اوندن، تورموشىنگەدە گى اپنگ مهم بولگەن ۳۰
كىشىنىڭ آتىنى تختەگە ياز، دېدى.
عيال بولسە عايىلە اعضاسى، قوم-قرىنداشلر،
دۇستلر، صنفاداشلر و قوشنىلىرىدەن عبارت ۳۰
كىشىنىڭ آتىنى يازدى.
كېين استاد، باشقەلرچە آلدىنگە مهم بولمه گن
اوچ كىشىنىڭ آتىنى ليستىنگەن اوچىر! دېدى.

عیال صنفداشلری نینگ آتلرینى اوچیردى.

کپىن استاد، ينه بىش كىشى نينگ آتىنى اوچيرگىن! دېب اونگە أىتدى.

عیال اپسە قوشىلارى نينگ آتىنى اوچيردى.
بو اوچيريش دوام اپتى. نهايت تخته يوزىگە تورت
كىشى نينگ آتى قالدى:

آنە، آته، عمر يولداشى (اپرى) و يلغوز اوغلى...
بوتون صنفى آغىر جىملىك قمرەب آلگن اپدى.
ابندي برچە لر، استادىننگ بو اىشى فقط بىر اوپىنگىنە
اپمىلىگىنى بىلر اپدىلر.

استاد اوندن، ينه اىكى كىشى نينگ آتىنى اوچيرىشنى اىستەدى.

عیال اوچون بو جدا قىين ايش اپدى.
او، اوته بى مىللەك بىلە آته و آنه سىنننگ
آتلرینى اوچيردى.

استاد: لطف اپتىب ينه بىر آتنى اوچيرىنگ، دېب

أيتدى!

عيال قتىق اضطراب و جدا ناقولەى وضعىتگە
تووشىن اپدى؛

كۈزىياشى و قلتيراق قوللىرى بىلەن اوغلى نىنگ
آتىنى اوچىردى و كېپىن ھاي-ھايلب قتىق يىغلشىگە
باشلەدى....

استاد اونگە، اورنىنگگە بارىب اولتىر، دېب أيتدى.

بىر نېچە دقىقە اوڭىچىج، استاد عيالدىن سۈرەدى:

- نېگە عمرىيۇلداشىنگىز آتىنى گىنە قۇيدىنگىز؟!!

آته-آنەنگىز سىزنى دنياگە كېلىتىرىپ، اولغەيتىرىدىلر و
سىز اپسە اوغلىنىڭىزنى دنياگە كېلىتىرىدىنگىز.

سىز هردايم باشقە عمرىيۇلداش آليشىنگىز ممکن

-كۇ!

صنف يىنە آغىر جىملىككە باتدى.

برچەلر عيال نىنگ جوابىنى اپشىتماققە سىنچكماو
اپدىلر.

عىال اپسە باسىقلىك و سېكىن سېس بىلن
شونداق جواب بېردى، شىييرلەپ:
- بېركۇنى آته-آنەم يانىمدەن كېتگوسىيلر؛ اوغلىم
هم اولغە يىگىندەن سۈنگ اوقيشىنى دوام اپتىريش يا
ايىش و يا هم باشقە بىرار سبب بىلن مېنى ترک
اپتەدى.
- دېمك، مېن بىلن بوتون تورموشىنى چىىندەن
بۈلۈپ شرىك قىلەدىگەن يلغۇز اېركك، مېنىڭ
عمرىيۇلداشىم(ابرىيم) دىرى!!!
برچە صنفەدە گىلىر اياققە تورىب، اولرگە تىرىيكلەك
حقىقتىنى أىتىگىنى اوچون عىالگە قىرسكلەر چالدىلار!
جهان خلقى بىلن يخسى بۈلگىنىڭدىن كۈرە ھم
كۈپرەق عمرىيۇلداشىنگ بىلن يخسى بۈل!





آنە و اوغىل

بىر اوغىل آتەسى اولگىيىن سۈنگ، قرى
آنەسىنى قرىيلر اوئىگە اېلتىدى و هەپىتىدە بارىب،
اونىنگ احوالىنى سۈرەب تورر اپدى.

بىر يۈلە قرىيلر اوئىيدن، آنەسى اولوم حالىدە
اېكىلىيگى خبرى كېلدى. شوندە او آنەسى دنيادىن كۈز
يۇمىشىدەن بورۇن، اونى كۈرماق اوچۇن يوگورىيىب
قاشىيگە باردى.

اوغىل آنەسىدەن سۈرەدى: سېن اوچۇن نىمە
قىلىشىيم كېرەك؟

آنەسى دېدى: قرىيلر اوئىگە بىر بادىكە
قۇيىشىنگى اىستەيمىن. چونكە اولرنىنگ پكە سى
يۇق. ياخالگە اېسە يخشى يېمكلەر قۇيگىن. كۈپ

اڭشاملىر طعام يېمىسىدىن اوخلەدىم!

اۇغىل تىعجىب بىيلن دېدى: اۋزىنگ اولوم
تۈشكىيە بۈلۈپ، نېڭە بو نرسە لرنى مېندىن
ايستەيسىن؟!

آنە جواب بېرىدى: هە اۇغلىيم، مېن بو ايسىقلىك
و آچلىيکكە چىدەب، اپىندى اورگەنىب قالدىيم. بىراق
قىريگىنىنگدە بالەلرینگ سېنى بو يېرگە آلىب كېلسەلر،
سېن آچلىك و ايسىققە عادت قىلالمسىنگ، دېب
قۇرقة من!!



عجايب عادتلر يىمىزدىن !!

اين بادىيە از نقش قدم بىشتر است
بىچراڭ دل آگاھ، بە اين راھ مرو!
«صاحب تبريزى»

کارل راجرز «انسان بولماق» آتلی کتابده دېیدى:
اۋزىمگە باشقەنینگ سۈزىنى بىلىشىگە اجازه بېرگن
چاغىمده، قىچەلر قىمتلى نرسە لرنى قولگە
كىريتىشىمنى توشونگەن من.

بو جملەدە اىشلەتىلگەن سۈزلە ئىزلىكىزىدە عجىب
و غرىب توپولر. بىراق انسان اۋزگەلرنىنگ سۈزىنى
توشۇنىشىگە اجازە بېرىليش كېرەك مى؟
ھە! شونداق، دېب اوپىلەيمىن.

بىراق، اۋزگەلرنىنگ سۈزى يا فكرينى توشۇنىش
اۇرنىگە، بىرىنچى عكسالعملىمىز، اولرنى ارزىيابلىك و
قضايا قىلىش دىر!

بىراو بىر تويفۇ، بىر اوى(فکر) يا بىر عقىدە نى
بيان قىلگىندا، بىرىنچى تمايلىمىز شونداق دىر:
چىمەسى(تخمين) دراؤ «تۇغرى دىر»؛ «گۈزەل»؛
«احمقانە دىر»؛ «غىرعادى دىر»؛ «غىرمنطقى دىر»
و ...لرنى سېزەمىز!

بیراونینگ ایتگن سۈزى نىنگ معناسى
نىمەلېگىنى انىق بىلىش اوچۇن، اۋزىمىزگە اجازە
بېرىش جدا آز يوز بېرەدى.

چىمدىم: بىز بیراونینگ سۈزىنى اپشىتىيپ يا
اوقيبآق، توشۇنىشىگە اېمس، شاشىلىنچە قضاوت
قىلىشىگە عادت قىلىپ قالگىنمىز!



سیاست نىمەدی؟

بىرکونى بىر عدهلر چىچىل (ايکى جەھان اوروشى زمانىدە گى بритانيا باش وزىرى-يارقىن) دن سیاستنى تعرىفلىب بېرىشنى اىستە دىلر.

چىچىل اولرنىنگ قىستاوا(اصرار) يىگە بۇى سونىب، بېردى بىر دايىرە چىزدى و اىچىگە بىرته خۇرازنى

تشله‌دی.

کپین او: بو خورازنی توئینگلر، بیراق خوراز دایره
ایچیدن تشریگه چیقمه‌سین، دېدی!

آدملر قنچه اورینسه‌لر هم، بیراق بو ایشنى
بجره‌آلمه‌دیر. چونکه خوراز تېزده دایرەدن تشریگه
قاچیب چىردى.

نهايت، اولر بو ایشده عاجز قالىب، چرچىل نىنگ
اۋزىدۇن ایش نىنگ بجرىشىنى ایستەدیلر.

چرچىل اپسە، ایكىنچى خورازنی بىرىنچىسى
يانىگە قویدى. شوندە اىكلە خوراز بىر-بىرىگە
تشله‌نیب، اوروشە بېردىلر. چرچىل اپسە اىكلەسینىنگ
بۈنۈندىن آسانگىنە توپىپ، كۈتردى!
- سياست منه شو، دېدی او!!

چىمدىم: حاضر افغانستان ده هم اوشبو يره مس
«سياست» يۈلگە قۇيىلگەن.



ينگليش ايشانچ، كوشىزلىك عاملى!

بىر باله حيوانلر باغى مسؤولىدەن سۈرەدى: نېڭە
بو كىتە فيلنى بونداق مەيىن و كوشىز بىر اىپگە
باغلب قۇيىبسىزلىرى؟! آزىزىنە حرکت بىلەن فيل آسانگىنە
اۋزىنى آزاد قىلىشى ممكىن. بو جدا خوفلى دىر-كوا!
فيل سقلالوچى دېدى: بو فيل بو ايشنى
قىلە آلمه يىدى. چونكە فيل كوشىز اىپ بىلەن
باغلىنمه گەن. او درواقع ذهنىدە گى كوجىلى بىر تصور
بىلەن باغلنگەن!

- قىنداق بۈلىشى ممكىن؟ دېب يىنه سۈرەدى باله.
فيل سقلالوچى دېدى: بو فيلنى كىچىكلىكىدە،
بىر مدت محكىم و يۈغان بىر ارغىمچى (ارقان) بىلەن
باغلەدىم. فيل ارقاننى اوزىب اپرکىن بۈلىشىگە قىچە

اورینسه هم، بیراق هیچ کوچی پیتمه دی. اوشه پیتدن
بېرى، فیل باشقە اپرکین بۇلىش اوچون اینتىلمە ئى
قۇيگەن. فیل، بو ايش نىنگ اپله ئىآلامسلىگى گە
ايشانىب قالگن!

بىز انسانلر ھم شونگە اوخشاش مىز. اپرکينلىك
تمان اینتىلىش و كورهشىمېزگە توُسىق بۇلگەن قنداق
دىر اوى(فکر)لرگە باغلهنىب قالگنمىز!

چىمدىم: اپرکينلىك و آلغە تمان يوكسە ليش
اوچون، ينگلىش و يره مس اوى و ايشانچلارىمېزدىن
قوتىلىشىمېز كېرەك!



حکایت

اصلى سانسکريتىدەن ترجمە قىلينگەن ھند خلقى
داستانلىرىدەن بۇلگەن «قىرق طوطى» كتابىدە نقل
قىلينگەن داستان:

روایت قیلیشلریچه، بیر ظالم پادشاهنینگ اونگ قول وزیرى سرايدن -أیتیب بولمس دليل اوچون، بيراق معمولگە كۈرە «ناموس» مسالەسى، دېب تصور بولەدى - قاچگن اپدى. اونگ قول وزیرنینگ اېگەسى (پادشاه)، اونى قنداق قىلىپ تاپىب ياساققە يېتكىزماق اوچون فقيهلىك رياضتى چىكىپ يورگان سۈل قول وزيرىدەن مصلحت سۈرەدى.

جدا كۈنگلى قره و هوشيار فقيه بولگن سۈل قول وزير دېدى: اونگ قول وزير حتماً اېگە م يقينلىرىدەن بىرىنىڭ اوبيده بېركىنگن. اونىنىڭ تاپماق يولى بار. يعنى، يوز باش قويىنى يوز كىشى يقينلىرىنگىزگە بېرىنگ. هر كىيم فلان مدتگچە اوز قويىنى سقلب كېلتىرسە، فلان ساورىن(جايزە)گە اېگە بولەدى دېلىسىن. بيراق اونىنىڭ شرطى بار: اوشه مدتگچە قوىنىڭ آغىرلىگى نې كمەيگەن و نې ھم كۈپەيگەن بولسىن. و پادشاه اپسە شونداق قىلدى.

قۇيلردن بىرى، اونگ قول وزىر اوپىدە بېركىلگەن
عايىلە گە نصىب بولدى. اوى اپگەسى بىلىملى وزىردىن:
قۇى يېماقدىن محروم بولمىھى، اوئىنڭ آغىرلىكى ھەم
كۈپە يېمىلىك اوچۇن نىمە قىلە ؟ دېب سۈرەبدى.
بىلىمدان وزىر: هر كونى اونگە يېتىرىلىچە اوت
بېرگىن، بىراق كۆز اونگىدە بىر بۇرىنى ھەم باغلب
قۇيىگىن. اوشىنده قۇى اوتنى يېب سېمیرەدى و كۈزى
اپسە بۇرىگە توшиб، اپتى (گوشتى) سوو بۇلە دى!
دېبدى.

اوى اپگەسى شونداق قىلىبىدى. ساورىننى بېرىش
چاغى يېتدى. قۇيلرنى تارتىدىلر، او قۇىي آغىرلىكىنى
اوزگرتىرمە گەن يلغوز كىشى اپدى.

شوندە سۈل وزىر پادشاھگە: بو آدم نىنگ اوپىگە
بارىنگلر و اونگ قول وزىرنى تاپىنگلر، دېدى. شونداق
قىلدىلر و او وزىر ياساققە يېتكەزىلدى.

چىمدىم: امریكا و متحدرلى تمانىدىن مىليارد لرچە

دالر و مينگلرچە عسکر افغانستان اوپوسىگە يىيارىلىپ، او تماندن طالبلىر و القاعده/اپندي داعش تهدىدلرىنى نمايشىگە قۇيىش مسالەسى شو حكایت مضمونى بىلن اوخشاشلىگى يۈق مىكىن؟! سىز نىمە دېسىز؟



كىيملىرى پىشرفتىنىڭىز گە تۈسيق دىر؟

مامورلار و اىشچىلر بىر كونى اداره لرىگە كېلگىنلىرىدە، اعلانلار تختەسىدە كته بىر اطلاعىيە نى كۈردىلر. اوندە شونداق يازىلگەن اپدى: سىزلرنىنگ يوكسەلىشىنگىز(ترقى، پىشرفت) گە تۈسيق(مانع) بۈلۈپ يورگەن كىشى توناكون اوپىدى! سىزلرنى جنازە مراسمى گە قىتنىشىو اوچون اپرتهلب ساعت ۱۰ ده، يىغىنلەر اوپىيگە چارلە يىمىز(دعوت قىلە مىز)! باشىدە، بىرچەلر بىر اىشداش(همكار)لرى نىنگ اوپومى

اوچون قیغوریب قالدیلر. بیراقد بیرآزدن سۇنگ، ادارهده
بىزلىرنىنگ پىشرفتىمىزگە تۈسىق بۈلۈپ يورگان كىمسە
كىم اپكىن؟ دېب سىنچكاو بۈلدىلر.

خودى شو سىنچكاولىك، دېرىلى بىرچەنى يىغىنلر
اوپىگە يېتكىلهدى! باره-باره جمعىت كۈپەيىب، هىجان
هم آرتماقده اپدى. بىرچەلر اۋز آلدىدە:

- ادارهده بىزنىنگ يوكسەلىشىمىزگە تۈسىق
بۈلگەن بو كىمسە كىم اپكىن؟ هرحالدە، اولگىنى يخشى
بۈلۈبىدى-دە، دېب اوپىلدى!

بىرچەلر صىدە تورىب، بىرىن-كېتىن تابوت يانىدىن
اوته باشلەدىلر. تابوتنىنگ اىچىگە كۈزى توشگەن هر
بىر كىشى توستىن (ناگەhan) قاتىب قالىب، تىلى
توتىلىب قالىلدى!

تابوتنىنگ اىچىدە بىر آيىنهنى قۇيىگەن اپدىلر و
هركىم آيىنه دە اۋز تصویرىنى كۈردى. آيىنه يانىدە
اپسە اوшибۇ مضموندەگى بىر ياززو و هم بار اپدى:

«پىشىرفتىنگىزگە تۈسىق بۈلەدىگەن فقط بىر كىشى گىنه بار، خلاص. او ھم بۈلسە اۋزىنگىزسىز! تورموشىنگىزنى اۋزگىر تىرە آله دىگەن كىشى، يىلغۇز اۋزىنگىزسىز. قوانچلىرىنگىز، اوپىلر و موققىتلرىنگىزگە تأثير كۈرسە تە آله دىگەن كىشى فقط اۋزىنگىزسىز. فقط سىز اۋزىنگىزگە ياردىم بېرە آله سىز.»

رئىسىنگىز، اۇرتاقلىرىنگىز، آتە-آنە نگىز، عمرىيۇلداشىنگىز يا ايش يېرىنگىز اۋزگىرنىدە، تورموشىنگىز اۋزگىرمە يدى. تورموشىنگىز، اۋزىنگىز اۋزگىرنى پىتىدە گىنه اۋزگىرەدى. سىزنى چېكلتە دېگەن (محدود قىلە دىگەن) ايشانچلىرىنگىزنى بىرىاققە قۇيىنگ و فقط اۋزىنگىزگىنه تورموشىنگىز مسؤولى سىز، دېگەن نرسە گە ايشانىنگ. تىرىكلىكىيىزدە اپنەڭ اساسى رابطە آله دىگەن نرسە، اۋزىنگىز بىلەن علاقە (رابطە) دىر. اۋزىنگىز سىنگ (امتحان قىلىنگ). اۋزىنگىزنى اسرەب - اوھ يىلنگ. قىينچىلىكلىر و قۆلدن بېرگەن نرسە لىردىن

قۇرقمىنگ. تىرىكلىيگىنگىز واقعىتلىرىنى اۋزىنگىز
تۈزەتىنگ. دنيا خودى آيىنه دېك دىر.



ايشانچلى سوينچيق تىلنگىز!

روایت قىلىشلىر يېچە، مولوى بلخى بىر كونى
شىمس تېرىزىنى اوپىگە مەھمان قىلدى. شىمس
مولانا يىنگ اوپىگە باردى. او، مەھماندارلىككە كېرە ك
برچە نرسەلرنى تىيار كۈريپ، مولانادن سۈرەدى:
- مېن اوچون چاغىر(شراب) تىارلە گەن سن مى؟
سېن چاغىر ايچرمىدىنگ؟! دېب سۈرەدى حىرت بىلەن
مولانا.

- هە! دېب جواب بېرىدى شىمس.
- بىراق مېن بو موضوعنى بىلەمسىم!! دېدى
مولانا.

- اپندي بونى بىلدىنىڭ، مېنگە چاغىر كېلتىرا!
- كېچەنинگ بو چاغىدە، چاغىرنى قە يېردىن تاپەمن؟!
- خدمتچىلىرىنگدن بىرىنى يىيار، تاپىب كېلىسىن!
- بو ايش بىلەن، خدمتكارلىيم آلدидە حىثىتىم بىر پول بۇلەدى-كوا!
- اوندە اوژىنگ بار و چاغىر ساتىب آلىپ كېل!
- بو شەھىدە بىرچە مېنى تانىيدىلر. مېن قنداق قىلىپ نصرانىلار محلەسىگە بارىپ، چاغىر ساتىب آلهى؟!
- مېنگە ارادتىنىڭ بۇلسە-دە، مېنニنىڭ راحتلىيگىمنى تأمينلەشىنگ كېرەك. چونكە مېن كېچە چاغىر اىچەمە گۈنۈمچە، نې بىر نرسە يې آللە من؛ نې سۈزلىشە آللە من؛ نې ھەم اوخلەى آللە من.
- مولوى نينگ شمس گە كۈپ ارادتى بارلىيگى اوچون، اپگىنیگە بىر خرقە تىشلىپ، كتە بىر شىشە نى

آستیگه بېركىتەدی و نصرانىلر محلەسى تمان يۈل
آلەدی.

مذكور محلەگە بارمە گونىچە، كىشى مولوپىگە سينچكاولىك قىلىمىسى؛ بىراق او محلەگە بارىشى بىلن آق، خلق حىرتلەنib اونى اىزىدىن توشدىلر. اولر، مولوى مىخانەگە كىرىپ بىر شىشه چاغىر آلىپ، اونى يشىرگىندن سۈنگ او يېردىن چىققىنى كۈردىلر.

حالى مسيحيلر محلەسىدىن چىقىمەتى تورىپ، او يېرده يشەيدىيگەن مسلمانلار اىزىدىن توشدىلر. لحظە مە لحظە اولرنىنگ سانى آرتماقدە اپدى. نهايت، مولوى اۆزى امامت قىلىپ، كوندە خلققە نماز بېرە دىيگەن مسجد قرشىسىگە يېتىپ كېلدى.

شوندە، مولوى نىنگ آلامان(تودە، جمعىت) اىچىدەگى رقىبلىرىدىن بىرى بقىرىدى:

- «اي خلايق! نماز پىتى هر كونى اونگە اقتدا قىلەدىيگەن شيخ جلالالدین، نصرانىلر محلەسىگە بارىپ

چاغىر ساتىب آلگن!»

او آدم بۇ سۈزنى أىتىپ، مولوی اېگىنيدن خرقەنى
آلدى. اولوس يشىرىيلىگەن شىشەنى كۈردىلر.
او آدم دوام اپتىدى:

- «زاھدىلىك ادعاسىنى قىلىپ، سىز اقتدا
قىلەدىگەن بۇ منافق، شو حاضر چاغىر ساتىب آلىپ،
اوبيىگە آلىپ كېتىدە!».

كېين، او مولوی نىنگ يوزىگە توفىلب، باشىيگە
قىتىق بىر مشت آشىرىدى. نتىجەدە مولوی نىنگ
سلەسى باشىدە آچىلىپ كېتىپ، بۈيىنigە توشدى.

خلق بۇ صحنه، اينىقسە مولوی نىنگ جىملىگى و
خجالىتىدە بۈلگەن حالتىنى كۈرىپ، او يلغانچەكى زهد و
تقوا كىيمى بىلەن بىر عمر اولرنى الدهب يورگىنىگە
ايشاندىلر. اولرنىنگ اوپكەسى (غىضى) قىنب، اونگە
يورش قىلماق و حتى اونى اولدىريشىگە اۋزلىرىنى شى
(آماده) قىلدىلر.

شو چاغده، شمس یېتىب كېلىپ، خلققە بقىردى:
- اې حىاسىز خلق! دىندار و فقيه بىر كىشىنى
چاغير اىچكىلىككە عىبىلشىگە اويالمە دىنگىزلىرى؟ سىز
كۈرۈپ تورگۇن بو شىشە چاغير اېمس، سركە-كوا! او
ھر كونى سركە قوشىب يېمك يېيدى!
شوندە مولوى نىنگ رقىيى بقىردى:
- بو سركە اېمس، چاغير دىر! دېدى.

شمس شىشە نىنگ آغزىنى آچىپ، بىرچە خلق و
جملە دن اوۋشە مولوى رقىيى قولى نىنگ كفيگە
شىشە دەگى نرسە دن بىرآز قويىدى. بىرچە گە
شىشە دەگى سوپوقلىك(مايمىز) سركە دن اوْزگە نرسە
اېمىسلىگى بېللى بېلدى.

مولوى نىنگ رقىيى ندامات چېككىنچە باش-
باشىگە اورىپ، اوْزىنى مولوى نىنگ اياڭى آستىيگە
تشله دى. بشقەلر ھم مولوى نىنگ قوللارىنى اوپىپ،
ترقەلىپ كېتىدىلر.

كېپىن مولوى، شىمس دن سۈرەدى:

- نېگە بو آقشام مېنى بو فاجعەگە دچار و آبرو-

حىثىتىمنى قمارگە اورىشىگە مجبور قىيلدىنگ؟!

شىمس دېدى:

- سېن اونگە نازلنه دىيگەن نرسە، سرابىدىن اۆزگە

نېمە ئېمىلىگىنى بىلىشىنگ اوچون اېدى. بىر تودە

عومانىنگ احترام و يانداشىوو سېن اوچون اولكىن

ابدى بايلىك، دېب اۋىلر اېدىنگ. حال بىر كە، بىر

شىشە چاغىر تصورى بىلەن او نرسە لرنىنگ بىرچە سى

يۇق بۇلدى. اولر يوزىنگىگە توقىلەدىلە؛ فرقىنگىگە

سبەدىلەر و حتى سېنى اولدىرىشلىرىگە آز قالدى!

سېنىنگ بىلەن ئېلىكىنگ (سادە عومان تودەسى)، انه

شو كېچە كۈرگىننگ اېدى و او بىر زوم (لحظه) دە بىر بىر

بۇلدى. دېمك، زمان اوتىشى و اوضاع اۆزگەرىشى بىلەن

اورتەدىن كېتىمەيدىگەن بىر نرسە كە سويمە نىشىنگ

كېرەك!



«ساووق اوروش» پیتلتیدن

امریکا باشچیلیگیده گی «کاپیتالسیم» و بورونغى شوروی اتحاد باشچیلیگیده گی «سوسیالسیم» ایکی اشدى قره‌مه-قرشى قطب اوْرته‌سیده گی «ساووق اوروش» اپنگ اوچىگە بولگن كېزلىرىدە، تورلى تبلىغىر و پروپاگندرلر قىنه‌گىنده قىزىقلۇ نرسەلر ترقەلردى. او ارە دە، طنز و فكاھىلر بازارى ھم جدا ايسىق اپدى.

امریکا «دموکراسى و انسان حقلرى» بيرقدارى و شوروی اتحاد ھم «تېنگلىك و تىنچلىك» بيراغدارى اپدى! غرب تبليغاتچىلىرى و عاموى اطلاعات واسطەلرى دموکراسى يۈقلۈگى اوچون شوروی اتحادنى «تېمير دېوار ارقەسى»، دېب لقب بېرگن اپدىيلر! شوروی اتحاد تبليغاتچىلىرى ھم كرواندىن آرتىدە

قالمهى، امريكاني «جنگرى و ڙاندارم»، دېب أىتر
اپدىلر!

اوشه كېزىلدن، اېسلنگن شو موضوعىلرگە
تېگىشلى ايکى فكاھى يازەمن. سىزلىرگە مراقلى
بۈلسە، دېب اومىد قىلەمن:

بىرينجى فكاھى:

امريكا باشلىغلىرى خلقلىرىگە قره تە دېر اپدىلر:
يورە گىنگىدە گى بار نرسەلرنى بېملاں أىتىشىنگ
ممكىن، ابركىنگ بار. بيراق مېندن نان اىستەمە!
شوروى اتحاد باشلىغلىرى خلقلىرىگە قره تە:
ايستەگن نرسەنگنى يې، بيراق تىلىنگنى تىي!

ايكىنجى فكاھى:

أىتىشلىرىچە، شوروى اتحاددىن بىر ايت (كوجىك،
كوبىك) قاچىب، اوزىنى غربى آلمان چېڭىرە سىگە
پىتكەزىب، چېڭىرەدن اوتمان اوتماقچى اپمىش.
چېڭىرە ساقچىلىرى ايتىگە قوشىلىك قىلىب، ضمنىدە

اوندن سۈرە بدىلر:

- اى ايت! كۈز تېگىمەسىن كۈرىنىشىنگ كۈپ يخشى، جدا سېمىز و ساغلام كۈرىنە سن. بوندن، تورموشىنگ و يېماق-ايچماغانىنگ او يېرده يخشى اپكى بىلىنەدى. اپندى أىت-چى، نېگە غربگە قاچىب كېتىماقچى سن؟!
ايت اپسە:

- سۈزىنگىز تۈغرى. او يېرده مېنинگ يېماغ-ايچماغانىم جدا يخشى و هىچ قنداق كەمچىلىگى يۈق اپدى، بىراق اولر، مېنى «ابه لە گن» گە اجازە بېرمىدىلر. يورە گىم يارىلگىنگە يېتدى. اپندى غربگە بارىب بىر آز «ابەلەى»، دېب جواب بېرىبىدى!!
چىمدىم: اۋشە امرىكا اولكە مىزگە «دموکراسى» نى ساوغە كېلتىردى. آچ و قشاق اولو سىمىز ھم دولت و بىر-بىرلىرىنى «سۈكىب-ساورىب»، كېچىرىنگ «انتقاد» قىلىش بىلن آنگل لر!!



اوج آليشگە حكيم جوابى:

بىر حكيمدن سۈرە بدىلر:

- نېگە سېنى قىينە گن كىشىدەن اوج(انتقام)
آلمه يىسن؟

او اپسە شونداق جواب بېرىدى كولىمسىرەب:

- اوچىش بىلن اولاقتىريش اورتەسىدە يېر بىلن
كۈكچە فرق بار، دېبدى.

اوچىنگ-55،

اوزىنگ ايستە گن يېرگە يېتە سن.

اولاقتىريلىسىنگ(تشلىنسىنگ)،

اولر ايستە گن يېرگە بارە سن.

دېمك، اوچىشنى اورگە نىشىمىز كېرە ك...!!



رذیل‌لرچه حیله!!

روایت قیلیشلریچه: هندوستان پایتختی دهلى شهریده، انگلیس اپلچیسی یؤلدن اوته‌یاتگنیده، بیر هندو ییگیت بیر اینک (inak) نی تپه‌یاتگن اپدی... و اینک هندوستانده مقدس دیر...!

شونده، انگلیس اپلچیسی توشیب اینک تمان یوگوریب باره دی. او، اینکنی اوپیب، اونگه اپگیلیب تعظیم قیله‌دی...!

اپلچی‌نینگ یؤلداشی سُوره‌یدی، عجبله‌نیب:

- نیگه بو ایشنی قیلادینگیز؟!

اپلچی اپسه:

- بو آگاه هندو ییگیت‌نینگ تپپکیسی، هندوستاننى مینگ بیل آلغه یېتکلشى ممکن اپدی.

بیراق مېن اونگە تۈسیق بۇلدىم...!

سۈزلر معناسى: رذىللرچە: رذىلانە؛ تۈسیق: مانع

اينك: سىگىر، گاو شىرده؛ اپلچى: سفیر



جاپانلىكىلاردن اورگەنيلەدىيگەن عجايىب ١٠ نكتە

نېچە يىل بورون، جاپاندە يوز بېرگەن سونامى و يېر سىلکىينىش/اسىلکىيندى(زلزلە) بوتون دنيانى قتىق چۈچىتىب قويىگەن اپدى. بو آغىر و آينچلى حالت كۈپ پىتلەركچە كىشىلەر آنگى(ذهنى) دە مۇھەلەنىب قالدى. بيراق، اوшибو يېرسىلکىينىش و سونامى طفiliي جاپان اولوسى باشىگە توشىگەن مصىبتلەرگە قوشى اولرنىنگ توتىگەن ايجابى يۈل-يۈرىقلەرى(روش و رفتارى)، بىرچە گە اورنک(نمونە) و عبرتلى بۇلدى. جاپانلىكىلار توتىگەن يۈل-يۈرىقلەر شونداق آغىر وضعىتلەرde انسانلار

اوچون تحسینگه لایق جدا اونوملی و ایجابی مدنیت

دیر....

۱ . **تینچلیک:** آغیر غم و قیغو میزانی اوز-اوزیدن
آشیب کېتگن اپدی . بیراق، حتى بیرانته هم قتیق عزا
قیلیش و باش-یوزلریگه اوریش هم کوزه‌تیلمه دی
(کۈریلمەدی)؛

۲ . **وقار:** سوو و يېمك اوچون، هیچ بیر يمان و
اوتكیر سۈز أیتىلسىدىن يا سورا-سور قىلىمسىدىن، منظم
صفلر تۈزىلەردى؛

۳ . **كۈچلىلیك:** يوكسک قورىلىش(معمارلىك)
اۇرنگى اوچون، قورىلگن عمارتلر ھرتىمانگە اپگىلىپ،
قمىرىلسە هم، بيراق قولەمس اپدی(يېقىلىمسىدى)؛

۴ . **رحم و شفقت:** اولوس، كوندەلیك كېرەكلى
نرسەلرنى گىنه آلردىلر. بو بىلەن، باشقەلرگە هم بىرآز
آذىق-اوقات تەھىيە قىلىش امکانى يىرەتىلدى؛

۵ . **نظم:** تالان-تاراج كۈرىنەدی. زوراونلىك يا

اۋزگەلرنىنگ قولىدىن تارتىب آلىش كوزهتىلمە دى.

تفاهم گىنه بار اپدى؛

٦ . اىشار: بىرچە ماشىنلرنى ساوقوتىب تورماق اوچون، اتم استىشنى نىنگ ٥٠ كىشى ايشچىسى قالدىلر؛

٧ . مەھربانلىك: بىرچە رستورانتلر نرخلىرنى توшиيردىلر. فقط ساقچىسىز بىرته اوتومات قول اورىلمسدن قالدى. كوچسىز كىشىلەرگە كۈپ ياردىم بولىدى؛

٨ . اۇرگە نىش: ٧ ياشدىن ٧٠ ياشگە بىرچە كىشىلەر نىمە قىلىرىنى انىق بىلدىلر و اۋشە ايشنى انىق بىلدىلر؛

٩ . عاموي اخبار واسطەلرى: خېرلىنى ترقەتىشىدە جدا محتاط اپدىلر. غرضلى گزارشلەردىن خبر يۇق اپدى. كىشىلەرنى تىنچلىتىرۇچى گزارشلەرگىنه بار اپدى؛
١٠ . وجدان: مغازەلردىن بىرىيەدە برق كېتىگەن پىتىدە،

آدملر قۇللریدەگى مغازەدن آلگن بىرچە ماللىرنى اۋز جايى گە قۇيىب، تىنچگىينه مغازەدن چىقىب كېتىدىلر؛

چىمدىم: افغانستان اسلامى اولكە مىزدە-چى؟

۱ . دولت و آدملر توزوک ايش توتىمى، حادثەنى قتىق قرهلب، ماتم توتهدىلر. آدملر زمين و زماننى سۈكىب-ساوورىب، ماتم آلهدىلر و بايلرى ئىسە، بايلرگە ختم و خيرات بېرەدى!

۲ . ايکى كىشى بؤلسە ھم نوبتنى رعايە قىلالىمەيدى يا قىلمەيدى!

۳ . بونداق وضعىتىدە نرخلىرنى نېچە برابر آشىرەدىلر (حتى نفس رياضتى آىي بۈلگن رمضانىدە ھم)!؟

۴ . تالان-تاراج، زوراوانلىك و قۇللردىن آليب قاچىشنى اپنگ قولەى پىتى كېلەدى. كۈپلرگە خدا بېرەدى!

۵ . محتاجلىرنى تغىن باشىگە بىرته اووهدىلر!

٦ . وجدانلر يۇقالىب قالەدى!....

٧ . حاضرگىدېك، بوتون مىدىالار اېنگ دەشتلى
تصویرلر؛ يلغان-يشىغ خبر و گزارشلىنى نشر قىلىب،
آدملىرى روحىيەسىنى تابارە بوزەدىلر.



آنەلر كونى مناسبتى بىلەن

بىر آنهنىڭ فدايىلىك اورنىگى

جاپان سونامى سىدە قوتقرووچى گروھى ياش
بىر خاتىنى قولەگن توپراقلار آستىدين تاپگىنلىرىدە، او
اولگن اپدى. بىراق ياردىمچىلر چراڭ ياروغىلىگى آستىدە
عجىب بىر نرسەنلى كۈردىلر:

خاتىن عجىب بىر حالتىدە يېرگە توشىن اپدى. او،
تىز چۈككىن و گودەسى اپسە اوستىيگە توشىن توپراقلار
آستىدە بوتونلەرى اوزگەرنى اپدى.

قوتقرووچىلر جنازەنى چىقارىشىدە اىتتىلدىلر.
شوندە اولر تۆستىدن(ناگەhan) بىر تىرىيک جانزادىنىڭ
ايسىقىلىگىنى پىقه دىيلر(سېزدىلر). بىر نېچە ئانىيە دن
سۈنگ، گروه باشلىغى دىوانە لرچە بقىردى:
- كېلىنگلر!... تېز كېلىنگلر! بىر بالە بو يېرده، او
تىرىيک دىير!

توبراقلر آنه نىنگ جنازەسى اوستىيدن نرى
قىلىنگىنده، آستىيدن بىر قىزەلاق چىقەرىيلدى.
اولوس بالەنى قوچاغلب آلگىنلىيدە، بىر موبايىل
تىلفون كىيمىدىن يېرگە توشدى. او نىنگ سىنگن
صفحەسىدە او شبو پىام يازىلگەن اپدى:
«سېوگلىم، تىرىيک قالسىنگ-دە، آنه نىڭ بو تون
بارلىغى بىلن سېنى سېۋىشىنى ھىچ قىچان
اونوتىمە گىن!»





انسان نینگ بویوک یاوه (دشمنی)

۱۳ نچى يوزييلليك (قرن) ده طاعون ترقلدى.
كليسا اونى يهوديلر گناهلىرى بېلگىسى دېب بىلدى.
بواريا و استراسبورگ ده ۱۲ مينگ يهود كويديريلدى.
قالگن اولوسنى اپسە طاعون اولدىيردى!

۱۶ نچى يوزييلليك (قرن) نينگ اداغىدە بىر مدت
جراحلilik قته‌غۇن (منع) قىيلىندى. پاپ نينگ عقىدەسىگە
كۈره، قىامت كونى بدن نينگ پرچەلرى بىر-بىرىنى
تاپالمس اپكىنلار! پاپ نينگ اوشبو تصميمى طفيلى،
قيامت كونىدە بدنلرى پرچەسى يۇ قالمىسلىك اوچون
مينگلارچە انسان اولىيپ كېتدى!

۱۷ نچى يوزييلليك ده فلورانس (ایتاليا شەھرى) ده
بىر مبارك سويكىنى سېلىش، كىسلنى ساغلتىرە دى،

دېگن گپ ترقلدى. تصادفگە كۈرە بىولۇرى بىلىمى، او سویك بىر اپچىكىنىكى اپكىنинى كشف اپتى. بىراق سوپىكلر ھمان آدمىلرگە شفا بېرر اپدى!
ينگلىش(غلط) عقىدە و ايشانچلردىن كۈركۈرانە دفاع اپتىش، انسانلر سعادتى و اپرکىنلىگى نىنگ اپنگ بويوك ياوى(دشمنى) دىر.
(بويوك انگليس فىلسوفى، رياضىدانى، جامعه شناسى برتراند راسل)



قياسي باقىمدىن باققىنده:

بىر تماندە، جهاندە قىسى بىر اولكە يا نقطە دە بشريت يره تگن مدنى يادگارلىكلىرى بۇلسە، بىرلشىگەن ملتلىر تشكيلاتى نىنگ مدنىيت ايشلىرى بۇلىمى تشكيلاتى «يونسکو» اۋز حمايەسى آستىگە آله دى.

باشقە تماندە، سببىدىن قطع نظر اوروش بلاسيگە يۈلۈقىن يا يۈلۈقتىرىيلگە نقطە يا اوْلكەدە نادان بشر ياققۇن اوروش الويىنى اوچىرماق يا ھم تېزلىشتىرماق اوچون «پنتاگون» يا «ناتو» تشكىلاتى يوگورىب بارىب، او يورت و اوروشىنى اوز كنترولى آستىگە آلهدە!

بىرينىچىسى نىنڭ بېرگەن مادى و معنوى كمكى بىلن، كۈزلەنگەن يادگارلىكىلر قىيەتىنەن تىكىلە نىب، بىرىت نىنڭ معنوى بايدىلىكى صفتىدە اسرەلەدە. اىكىنچىسى نىنڭ بېرگەن مادى و معنوى كمكى بىلن، كۈزلەنگەن يورتىگە تورلى قورال-يراق بارىب، او يورت نىنڭ بار-ياغى كۈككە ساوريلىب، يۈق بۈلەدە. بىرينىچى سىدە، دنيانىنگ تورلى بورچىكلرىدىن آدمىرنى او يادگارلىكىلر اوزىگە جلب اپتەدە. آدمىر روحى و معنوى بەھە ئالماق اوچون او يېرنى بارىب كۈرۈشىگە آشىقە دىلە!

ایکینچی سیده اپسە، بشر بیر-بیرینى تابارە
اولدیریب، ملکنى ویران قىلەدى. بو يورتگە نېيلىغۇز
اۋزگە خلق تماشا اوچون كېلمەيدىلر ياخىنلىرى،
بلكە اۋز مردمى اۋزىنى اوتگە و سووگە اورىب، كتە
آوارەلر تودەسى بۈلەدەيلر و جان سقلش اوچون او
پىردىن قاچىب، اۋزگە يورتلر تمان بارىب، آرام آلىشگە
آشىقەدەيلر!!...
* بو ايکى قرهمه-قرشى وضعىتگە سىز نىمە

دېسىز؟



بىزنىڭ ايشلىمىز كۈپىنچە تېسکىرى(چېھ) دىرى!
تۈقلرگە آش بېرىب، «افطارلىك» اوتکىزە مىز؛
ينگى مقرر بولگىن اوستى بوتلىرىڭە تۈن تىلىپ،
تېرىكىلەيمىز!

بو حقدە حضرت مير علیشىر نوايى تىلىيدن

مضمونلى بىر بىت:

يائىر انگە سفره كە، اول آچ اېمس،
بېرور انگە تۈن كە، يالنغاچ اېمس



قىينچىلىك قىسى سىدە دىرى؟!

اتىپى نىنگ ٥٤ مىليون باش و سودان نىنگ اېسە
٤٢ مىليون باش اينىڭى (سيگىرى) بار.
بىراق اوغر دىيانىنگ اېنگ قشاق (كمىغۇل)
اولكەلر يىدىن دىرى! هالندىنگ ١١ مىليون باش اينىڭى
بار،

بىراق جهان نىنگ كتە بىر قىسى نىنگ سوت و
سوت مەھصولاتىنى تامىتىلە يىدى. قىينچىلىك اينكىلر
اېمس!

قىينچىلىك اقتصادنى ادارە قىلەدىگەن ھۆكىزلىر
دىرى!!



انسانلر توزه‌لسه، افغانستان هم توزه‌لر!

اپرکک چرچب-هاریب ایشدن اویگه قیتىدى.
بیرآز هاردىق چىقەرىشنى اينتىقىب اىستىرىدى. بىراق
آلتى ياشلى اوغىلچەسى، اونى هاردىق چىقرىگنى
قۇيمىس اپدى. باله، آتهسى بىلەن بىرگە تىشقىرى كېتىب،
كۈنگلى اىستەگن اوينىرنى ايزچىل اىستىرىدى.

اپرکک بىر تىماندىن، باله سىينى خفە قىلگىسى يۇق اپدى،
باشقە تىماندىن اپسە چرچە گەنلىگى اوچون اويدە بۈلەپ،
بىرآز ها چرچاغىنى چىقەرىشنى اىستىرىدى.

تۈستىدىن، مىز اوستىدەگى افغانستان نىنگ
نقشەسىگە كۈزى توшиб قالدى. كېين او باله گە
باقىب، دېدى:

– مېن سېن بىلەن تىشقىرىگە كېتىب، اىكلە مىز

بىرگە ياقتىرەدىگەن اۋىينلىرىنىڭنى اوینىشنى اىستەيمىن.

بىراق اوندن ايلگىرى بىر شرطىم بار.

بالە آتەسىنىنگ سۈزىنى اپشىتىب آق يوزىگە
قووانچ بېلگىلەر تاپىلىپ، ذوقلەنىپ دېدى:

- رحمت، قبول قىلدىم آتە جان!

اپر افغانستان نقشەسىنى آلىپ، بوردە-بوردە قىلىپ،
بالەگە بېرە تورىپ، دېدى:

- منه شو بىرتىلگەن نقشەنى قىتە تىكلە، اولگى
حالىيگە كېلتىر. شو مېنинگ شرطىم دىر.

بالە كولدى-يو، كاغذلەرنى آلىپ اۋز اتاغىيگە
كېتدى. اوشه كېزدە اپر اۋز-أوزىگە دېدى:

- «قىچە يخشى بۇلدى! اوغلىم اپندى بىر نېچە
ساعت، افغانستان نقشەسىنى قىتە تىكلەش بىلەن
اندرمان بۇلەدى. مېن اپسە بىملال ھاردىق
چىقرەمن!»

اوشه چاغدە، بالە قۇلىدە قىتە تىكلەنگەن افغانستان

نقشه‌سی، آته‌سینینگ اتاغیگه کیریب کېلیپ، نقشه‌نی
آته‌سیگه بېردى.

اُوغلى نینگ مونچەلیک چقا‌نلیگیدن حیرتلنگن
اپر، تعجب بیلن:

- اُغلييم، بو ايشنى مونچە آز وقتده قنداق
قىليپ بىردىنگ؟ دېب سۈرەدى.

اُغيلچە چيرايلى كوليم سيرەب دېدى:
- آته جان! منه افغانستان نينگ آرتکى
منظره سىدە انسان تصویرى بار. شونگە كۈرە، اگر
انساننى تىكىلب توزەتە آلسىك، افغانستان اۆز-اۆزىدىن
توزەلەدى!





موتر تاييرلىرى نينگ هواسىنى كمەيتىرىنگىز!

يۈلاوچىلاردن تۈلە بىر موتر يۈلگە كېتە ياتىنگن اپدى. يۈل بۇيى بىر يېرده بىرته تونل ھم بار اپدى. چىمىسى ٢٠ مترلىك مسافە اوشىبو تونل اىچىدە قىتە تىكلەنگن اپدى. شونىنگ اوچون، تونل نىنگ يوكسكلىگى ١٠ سانتىمترچە آزەيىنگن اپدى. هىداواچى بو مسأله دن خبرسىز اپدى و ھە دېب موترنى ھىدر اپدى.

موتر يۈل يوردى، يۈل يورسە مۇل يورىب، تونلە اوشە تىكلەنگن (ترميم بۈلگەن) يېرگە يېتىيپ باردى. شوندە توستىن (ناگەان) موترنىنگ تىپە (جىنگلە) سى تونل نىنگ تامىيگە تېگىيپ اوشلەنib، يورالىمە ئى قالدى. بىرچە يۈلاوچىلار موتردىن توشدىلر. تاپىلگەن بو

قیینلیکنی برطرف قیلماق اوچون هرکیم اوزیچه
اپسیگه کېلگن بیر چاره - تدبیر آیته باشلهدی:
- يۈل نىنگ تىكلەنگن يېرىنى قۇپارىب تىلىش
كېرە ك، دېدى بير كىشى!
- تونل نىنگ تېپەسىنى بير آز قىريش كېرە ك،
دېدى بير كىمسە!
باشقە بىرى دېدى:
- بير تراكتور چقىرىلىپ، موتىنى آلدىدىن ارقە
تمانگە سورسىن!

بو ماجرادە بير مىدە بالە ھم بار اپکن. بالە گاھ او
آدمى آلدىگە بارىپ: عىمكى جان دېر اپدى و گاھ ھم
باشقە كىشى نىنگ قاشىگە بارىپ: تاغە جان دېپ، بير
نىمە نى آيتماق اوچون رخصت سۈرر اپدى. بىراق
كىشى او بالە گە قره مىس و سۈزىنى ھم اپشىتىمس
اپدى. هرکیم اۋزى بىلن اۋزى بولىپ، بىراونىنگ
سۈزىنى اپشىتىگىسى يۈق اپدى.

شوندە بالەنینگ طاقتى طاق بۇلدى، شىكىللى.
او بىر يېرىك(كته) تاشنى آلىب موترگە اوردى.
اونىنگ بو قىلمىشىدن دەشتلى تاۋوش چىقدى.
برچەلر تاۋوشگە توجە قىلدىلر. تماڭى سىقىلب قالگن
بالە، يورەگى تۈلىپ يىغى سىرەب دېدى:

- «سىز كلهسى كته، كته كانلر، سۈزنى ھم
اپشىتمە يىسىزلر. سىزلر بىز كته مىز و برچە نرسە نى
بىلە مىز، دېب اوْيلە يىسىزلر. كۈريشىمچە، سىزلر ھىچ
بلانى بىلمس اپكەن سىزلر. بىكارگە ھمە ايشنى
بىلە مىز، دېب كته كانلىك قىلە سىز اپكەن. بو
مەممە دەن قوتىلماق اوچون آسانگىينە يۈل،
تايرلرنىنگ هواسىنى آزەيتىرىنگلە!»

غۇرددىيىب كته كانلىك قىلە دىيگن كته كانلر،
بالەنینگ اوشبو تدبىرىنى اپشىتىگەن، خجالىدىن
باشلىرىنى اپگەدىلر.

شوندە ھم اولىدىن بىرى بۇش كېلمەمى، دېدى:

- او تیرمیزه ک، سېن قنچه کته کانلیک قىله سن؛
بونچه اىشنى مېن هم بىلر اپدىم - كو!
بىراق اوينىڭ اوшибو ادعاسىگە باشقەلر استهزالى
كولىب يىباردىلر.

نهايت، تايىرلىرنىڭ هواسى آزه يتىرىيلدى و
موترنىڭ جنگلەسى، تونلنىڭ تېپەسىدەن اجرەلدى.
موتر بۈلسە تىنچكىينه يۈلىگە دوام اپتدى.
يۈلا وچىلر بالە گە منتدارلىك بىلدىرىپ، مقصىدگە
يېتگۈنگچە اونگە حرمت قىلىپ، اوينىڭ محبتىنى
دايم يۈرەكلىريده سقلر اپدىلر.



تورىزىم كۇنى مناسبتى بىلەن
بىز مقدس جەhalt قىماقى (زىدانى) دە كۈپ
اوسلەنib قالگىنيمىز اوچون، تورىزىم (سياحت)نى فقط

هوس قىلەمىز و اونگە اپرىشە آلمىسىمىزدىن قىغۇرەمىز!
پاسپورتىم اعتبارسىز و ترورىستىك، اولكەم اپسە بېللى
اپمس، حتى وجدانىمىز!

تورسىتىلىككە دانگ ترهتگن اپنگ مشهور شەھەرلەر
اعلام قىلىنىدى.

ماستر كارت (Master Card) آتلى مشهور
تورىستىك شركت، مشتريلىرى نىنڭ خلق ارا
معاملەلرینى هرتمانلەمە تېكشىرىپ، سياحلەر ارەسىدەگى
مشهور شەھەرلەر آتىنى اعلام قىلدى.

اسپوتنيك نىنڭ خبر بېرىشىچە، اوشبو شركت
متخصصلىرى اوْتگن يىل چۈزىغىيده ۱۳۲ بويوک
شەھەرنىنگ پول تۈلاولرى تىزيمىنى تحليل قىلگەن.
اوشبو تحليل خلاصەلرىگە كۈرە، بنكاك (تايلند
پايتختى) اپنگ كۈپ سياحىگە قۇناقلىك (مېزبانلىك)
قىلگەن اپكەن. ۲۰۱۶ - يىلى ۴۱ / ۱۹ مىليون كىشى
آزىدە بىر كېچەنى تايىلند پايتختىدە قۇناقلەگەن.

اوшибو فهرست نینگ ایکینچی اوئرینى لندن شهرى ٤/١٩ ميليون تورىست بىلن اېگلله گن. پاريس اېسە اوچىنچى اوئرینى آلگن. ٢٠١٦ - يىلى ٤٥/١٥ ميليون تورىست اوшибو شەرنى كۈريپ چىقىيدىلر.

شونىنگدېك، تورىستلر ارهسىدەگى ١٠ تە مشھور شهرلر فھرسىتىدە: دوبى، سنگاپور، نيويارك، سىئول، كولالمپور و توکىيوا باز.



سۇز باشقە، اىشانج باشقە!

بىر مسجد يانىدە بىر مىخانە جايىشىگن اپدى. مسجد امامى ھركۇنى خطبەلرىدە: «يا تېنگرىيم، بىر سىلکىيندى (زلزلە) يىبارىب، بو مىخانەنى بوز!» دېب دعا و التجا قىلر اپدى.

نېمە بۇلدى-يو بىر كونى يېر سىلكىنib، مسجد
دىوارى مىخانە اوستىگە نورەب(قولب، يىقىلىib)،
مىخانە بوزىلدى.

مىخانەچى مسجد امامى قاشىگە بارىب، اونگە
دېدى: سېن، مىخانەمنى بوزىلسىن، دېب هردايم دعا
قىلىر اپدىنگ. اپندى خسارىتىنى بېرىشىنگ كېرەك!
مسجد امامى دېدى:

- نېمە، تېلبه(ديوانە) بۇلدىنگ مى؟! مېنىنگ
دعام بىلن سىلكىندى بۇلىب، مىخانە بوزىليشى ممکن
مى؟!...

ارەلریدە جنجال چىقىب، اىكلەسى قاچى گە
بارىيدىلر. قاچى ماجرانى اپشىتىگىندىن سۈنگ، مسجد
امامى گە قرهتە دېدى:

- حىران من، مىخانەچى سېنىنگ خدانگە
ايمانى بار؛ بىراق سېن جماعت امامى بۇلە تورىب،
خدانگە ايمانىنگ يۈق!!



حکمتلى و عبرتلى بىر حكايه

صنفده استاد درس باشىدە سوودن تۈلە بىر
گیلاسى قۇلۇغە آلدى. او بىرچە كۈرەدىگەن قىلىپ،
گیلاسى يوقارى كۈتردى.... كېيىن اۋقووچىلردىن
سۈرەدى:

- سىزنىڭچە، بۇ گیلاس نىنگ آغىرىلىگى قىچە
دیر؟

- ٥٠ گرام، ١٠٠ گرام، ١٥٠ گرام... دېيىه
اۋقووچىلر جواب بېرىدىلر.

استاد دېدى:

- مېن ھم اولچە مسىمدىن، بونىنگ آغىرىلىگى
قىچە اپكىنىنى بىلەيمىن. بىراق مېنинگ سۈراغىم
شونداق: مېن شو گیلاس سوونى نېچە دقىقە شو

یوْسین(طرز)دە کۇته‌ریب تورسم، نىمە يوز بېرىشى ممکن؟

- ھىچ نىمە يوز بېرمەيدى، دېب جواب بېرىدىلر اۋقووچىلر.

- خوش، اگر گىلاسنى بىر ساعتچە شونداق كۇته‌ریب تورسم، نىمە يوز بېرە دى؟

- قۇلينگىز آز-آز آغريشى ممکن، دېدى اۋقووچىلردن بىرى.

- سېن حق سن. ابندى، اگر گىلاسنى بىر كون شونداق اوشلۇپ تورسم-چى؟

- قۇلينگىز حسىز بولەدى. قول موشك(عضله) لرینگىزگە قتىق زۇر كېلىپ، فلچ بولەدى. ايشينگىز شفاخانه گچە يېتىپ بارىشى انىق، دېدى ينه بىر اۋقووچى.

باشقە اۋقووچىلر اونگە استەھزالى كولىپ يىباردىلر. استاد دېدى:

- جدا يخشى، اوшибو مدتده گيلاس نينگ
آغىرلىكى اۋزگىردىكىن؟
- يۇق! دېب جواب بېرىدىلر اۋقووچىلر.
اوندە قۇلۇم نينگ موشکلىيدە آغرىق و فشار تاپىلىشىگە
نىمە سبب بۇلگەن؟ بو اوچۇن مېن نىمە قىلىشىم
كېرەك؟ دېب سۈرەدى استاد.
اۋقووچىلر گرنگ بۇلدىلر. اولىدن بىرى: گيلاسنى
پېرگە قۇيىنگ، دېب أىتدى.

استاد اۋقووچى نينگ جوابىدىن ھىجانلەنېب دېدى:
- آفرىن، جدا انيق و يخشى سۆز أىتىنگ.
تىريكلېك قىيىچىلىكلىرى ھم خودى شونداق.
اولىنى بىر نېچە دقيقە ذهنىنگىزىدە سقلەسنىڭىز،
ھىچ قىسى يۇق. اگر او زاراق مدت اول حقيىدە
اوپىلەسنىڭىز، آغرىققە كىرەدىلر.
اولىنى اوندىن ھم كۈپراق سقلەسنىڭىز، سىزنى
فلج قىلەدى. كېپىن بىر اىشنى قىلىشىگە كوچسىز

بۈلەسىز.

تۇرموش قىنچىلىكلىرى حقيده اوپىلش مەم
دیر... بىراق، هر كون نىنگ اداغىدە اوخلشدىن آلدىن،
اولرنى يېرگە قۇيىشىنگىز مەھماق دیر.

بو بىلن باسىم(فشار) آستىيدە قالمه يىسىز؛ هر كونى
اپرته تانگ كوچلى، بَرَدَم و قووناق اویغانەسىز. شوندە
تاپىلگەن هرقنداق مسالە و قىينلىكىنى يېچىشىگە
كۈچىنگىز يېتەدى!

سېۋىملى اۇرتاغىم، گىلاس سووينى اوшибو كون
!يېرگە قۇيىشنى اونوتىمە!
تىريكلىك شو دير!

(أَنْتُونِي رَابِينْز)





اپنگ یمان دردلر:

بیر بیگیتدن، اپنگ یمان دردلر نیمه دی؟ دېب سۈرەدیلر.

بیگیت بولسە:

- تىش آغريق و یمان عمرىۋلداشلىك، دېدى.
بو سۇزنى بير كېكسە كىشى اپشىتىب، دېدى:
- تىشنى اوزىش ممکن و عمرىۋلداشدن ھم
اجره لسى بولەدى؛ بيراق،
اپنگ یمان دردلر كۆز آغريق و یمان فرزند دىر!
چونكە نې كۆزنى چىقه رىب بولۇر و نې ھم فرزند
نسبىتىنى انكار اپتىش ممکن....
* وجودىنگىز دايىم آته-آنە لرىنگىزنىڭ
فخرلەنىشلىرىگە مناسب بولىشىگە اينتىلىينگ!...



عبرتلى سۈزۈرلە:

مېنینگ درديم يلغوزلىك اپىس؛ بلکه تىلنچىلىك
(گدالىك)نى قناعت؛ بېكارەلىكىنى صبر همده اوشبو
اخماقلىكىنى ايلجه يىب تېنگرى حكمتى، دېب
اتەيدىيگەن ملتىنинг اولومى دىر! «گاندى»



دقتىكە سزاوار سۈز

اگرده يورىش-تورىشىمېزنى اوزگەلرنىنگ قضاوت
اولچىملرىيگە ماسلىشىگە ايتتىلىسىك، اوندە اوز اىستكىلر،
ارمانلار و چىن آماجلارىمېزىننگ اىزىينى آلىپ، اولرنى
عملگە آشىرىشىگە اپرىشەآلمه يمىز.

«كارل گوستاو يونگ»



سقال و تیغ حقيده

تیغ بیلن سقال اوره دیگنلر؛

اولوغ تېنگرى قاشىدە، سقال بىلن تیغ
اوره دیگنلرگە كۈره، تیغ بیلن سقال اوره دیگنلر جدا
حرمتلى دىرلر!!

«على شريعتى»



مهم نكته!

سياست نىنگ اپنگ يمان ايشى، اولوس گە اپنگ
اخماق كىشىنى بىيلىملى و عقللى كىشى صفتىدە
تحمیل قىلىش دىر.

«دالايى لاما»



عبرتلى سۈز

بىرىنچىدە سېنى كۈزگە ايلمە يدىلر، كېيىن سېنى
مسخرە قىلەدىلر.
سارە سېنگە قوشى كورەشەدىلر.
«مهاتما گاندى»



قىسقە داستان

بىر سوقور كىشى بىر درخت آستىدە اولتىرگەن
اپدى. بىر پادشاه اونىنگ آلدىگە كېلىپ، آتدن توشدى
و اونگە حرمت قىلىپ، سۈرەدى:
- تقصىر، قىسى يۈلدەن پايتختگە بارسە بۇلۇ؟
اوندن سۈنگ پادشاه نىنگ وزىرى سوقورنىنگ

آلديگه يېتدى و حرمت كۈرستىمىسىن سۈرەدى:

- جناب، پايتختىگە كېتەدىگەن يۈل قىسى دىرى؟

بىر ساقچى عسکر سوقورنىڭ قاشىگە كېلدى.

اونىنگ باشىگە بىرته اورىب، دېدى:

- او اخماق، پايتختىگە كېتەدىگەن يۈل قىسى

دى؟؟

اولرنىنگ بىرچەسى كېتىگەندىن سۈنگ سوقور كولە

باشلەدى. يانىگە اولتىرگەن باشقە بىر كىشى اوندى:

نىگە كولەسن؟ دېب سۈرەدى.

سوقور جواب بېردى:

- اول ارەسىدە فرق بار.... پادشاه اۇز

بويوكلىگى گە ايشانچى بار اپدى. شو اوچون حرمت

قىلدى. بيراق ساقچى جدا كۈپ كمىتىلىب، رنج

چىككىنلىگى اوچون، حتى مېنى اوردى.

هر كىيم نىنگ قىليغى شخصىتىنىڭ بېلگىسى

دىر.

نې آقليک گۈزه لىكىنى بىلدىرەدى و نې ھم
قرەلىك كۈرىمىسىزلىك بېلگىسى دىر.
انسان شرافتى اخلاقىدىن دىر.



تواضع نىنگ سىرى

حكيم لقمان دېدى:

بىر كونى بوغدائى اپكىنلەرى يانىدە تورگن اپدىم.
شوندە، أىرييم بوغدائى باشقاق (خوشە، سىبلە) لرى
تكبر يوزه سىدن باشلىرى يوقارىيگە كۈتىريلگىنى و باشقە
بىر عدە باشاقلەر اپسە تواضع يوزه سىدن قويىي گە باش
اپگىنلىكلەرى دقتىمنى اوزىيگە تارتىدى.

اولرنى سىلب كۈرگىيىمده، حىران قالدىم.
يوكسکكە كۈته رىيلگن باشاقلەرنى داندىن بۇش و
باشلىرى قويىي اپگىلگن باشاقلەرنى بوغدائى دانلىriden

توله تاپدیم!

شوندە اوْزىمگە-اوْزىم:

- تىرىيكلىك اپكىنزاپىدە ھەم، چىندن اىچى بۇش
بۇلگەن يوكسكلرگە كۇته رىيلگەن قىنچە باشلىر كۈپ دىر،
دېدىم!



تپوا كۈردىنگ مى، يۈق!

بىر كىشى چۈلدە تپواسىنى اختەرىپ يورىپ، بىر
سېرگك(ھۆشىيار) اوْغلانگە اوچرەدى. اوندن تپواسىنى
سۈراغلەدى.

اوْغلان دېدى: تپوانگ بىر كۈزى سۈقىر(كۈر)
مېدى؟

اپرکك: ھە! دېدى.

اوْغلان سۈرەدى: يوکىنىنگ بىر تمانى شىرىن و
باشقە تمانى ناردان نرسەلر مېدى؟

اپرکك: هە! دېدى. اپندي أىت-چى تېوا
قەپىرده دىر؟
اوغلان: مېن تېوا كۈرمەگن من، دېب جواب
بېردى.
اپرکك ناتنیچ بۈلۈپ، بو بالە تېواڭە بىران بلا
قىلگەن دىر، دېب اوپىلەدى. كېيىن اوغلاننى قاضى
نینگ آلدىگە اپلىتىپ، ماجرانى قاضىگە أىتىپ بېردى.
شوندە قاضى اوغلاندىن سۈرەدى:

- سېن تېوانى كۈرمەگن بۈلسىنگ، اوندە اوئىننگ
بېلگىلىرىنى قىنداق أىتىننگ؟
اوغلان دېدى: يۈلدە، بىر تېوانىننگ اياق اىزىنى
كۈردىم. او بىر تمان نینگ اوئىنى گىنە يېگەن اپدى.
شوندە بىر كۈزى سۈقىر بۈلسە كېرەك، دېب پىقەدىم.
كېيىن قەرسىم، يۈل نىننگ بىر تمانىدە چىيىنلر كۈپ و
باشقە تمانىدە اپسە پىشەلر. چىيىن شىرىنگلىكىنى و پىشە
ھم ناردانلىكىنى ياقتىرگىنى انگلەپ، تېوا يوکى نىننگ بىر

تمانی شیرینلیک و باشقەسی اپسە ناردان نرسە دیر،
دېب چمەله دیم(تەخمین قىلدىم).

اۇغلان نىنگ ھوش و سېرگىلىگى قاضىگە
ياقىب، دېدى:

- گناھسىزلىگىنگ چىن دیر، بىراق تىلىنگ
بلاى جانىنگ بۈلبىدى. بوندن كېين سېرگك بۈل:
«تېوا كۇردىنگ مى، ياغ!»



أىتىلەگن سۈز، أتىلەگن اۋق!

بىر بىگىت، بىر آغىز سۈز بىلەن عمر يۈلداشىنى
رنجىتىب قۇيدى. بىراق، او دراو پىشمان بۈلدى.
او، عمر يۈلداشىنىنگ كۈنگلىنى آلماق اوچون
تۈرلى يۈسىننە ئىنتىلەدى. جملەدن شەھرنىنگ بىر دانا
پىرى قاشىگە ھەم باردى و اوندن مصلحت سۈرەدى.

دانا پیر دېدى: سۈزىنگنى جبران قىلماغىنگ اوچون اېكى ايش قىلىشىنگ كېرەك.
در قالگن يىيگىت، دانا پىردن اوته ذوقله نىب،
قىلىنەجك اىشنى اىضاح بېرىپ توشىنتىريشى نى
اىستەدى.

دانا پیر دېدى:

- بو كېچە بىرته پر ياستيق آلىب، اونىنگ بىر بورچكىنى تېشكىن. كېين محلە و كوچە-كويىرگە بار و هر بىر اېشىك ارقەسىيگە بىرته پر چىقهرىب قۇي. بو اىشنى، ياستيق نىنگ بىرچە پىلەرى توگەگىنچە دوام بېر. اوندن سۈنگ، مېننىنگ قاشىمەكە كېل. اوشىنداه ايش نىنگ ايكىنچى باسىقىچىنى أىتەمن.

يىيگىت بوتون تونى بىلەن شو آغىر و قىين ايش بىلەن آوارە اېدى. تون(كېچە)نىنگ ساۋووق ھواسىدە بىرماقلارى موزلەگن اېدى. بىراق او، بىرچە سىيگە چىدەب، كون چىقر پىتى اىشى توگەدى.

او تېزدە دانا پىر آلدىگە بارىب، قۇوانچ بىلەن
دېدى: يا پىرىيم، منه ايش نىنگ بىرىنچى باسىقىچى
موفقىيەتلى بېتدى. اپنەي نىمە قىلىشىم كېرەك؟
پىر دېدى:

- اپنەي ياستىقنى قىته اولگى حالىگە
كېلتىرماغىنگ اوچون بارىب، قۇيگەن بىرچە اۋشە
پىرلەرنى يېغىشتىرىپ آل!

يىگىت شاشىلگانچە دېدى: بو ايش مەمکن ئېمس
- كو؛ چونكە پىرلەرنىنگ كۆپىنى يېل(شمال) هەرياققە
ساچگەن. قنچە اينتىلىسم ھەم، ياستىق اولگى سىدېك
بۈلەمەيدى.

پىر دېدى: تۈغرى... ايشلىگەن سۈزلىرىنگ ھەم
خودى شمالدەگى پىرلەرنىڭرى دىر. اولر قىتىيپ
آغزىنگە كېلمەيدى.
كىشىلەر، اينىقسە سېۋەدىيگەن كىشىلەرىنگ تۈغرىسىدە
سۈزلىرنى تىلىشىدە دقت قىل!



يالغان حقيده ايڭى حكايت:

بو عجايب ايکى قيسقه حكايهنى اۋقىب
تقاسلنگ(مقايىسه قىلينگ) و نتيجه چيقەرىينگ!

بىرینچى واقعه حكاياتى

دنمارك اولكەسىدە قطاردە سفر قىلدىم. شۇخ و
تۈپالانچى بىر بالە هم آنهسى بىلەن ھمسفريمىز ابدى.
اونى تىنچيتىماقچى بۈلۈپ: «اگر تىنج اولتىرسنگ،
سېنگە چاكلىت ساتىب آلىب بېرەمن»، دېدىم.
او بالە كۈنۈپ، تىنچىگىنە اولتىردى.

قطار مقصىدگە يېتىدى و مېن اپسە بشقەلر بىلەن
عادىگىنە قطاردىن توشىب، يۈلىمنى آلىب كېتدىم.
توستىن(ناگەنان) پوليس مېنى چقىردى و مېنگە:
- سىزدىن شكارىت بۈلۈپدى و شكارىتگە كۈرە، سىز

بو بالەگە چاكلیت ساتىب آلىپ بېرەمن، دېب يلغان
أىتىبسىز و چاكلیت آلىپ بېرمىسىز!

حىرتلىنىڭ حالدە پوليس مېنى توتقىن قىلدى!!
توتقىنلەر اوپىدە اوغۇرى، قاچاقچى، ... كېيى بىر نېچە
كىشى ھم بار اپدى. اولر مېنگە، «سېن يلغان
أىتىبىن، او ھم بىر بالەگە!»، دېب عجبلەنېب
باقدىلر.

ھەرحالدە، مېن جريمه بۈلۈپ چاكلىتنى ساتىب
آلىپ بېرىدىم. پاسپورتىم دە بىر عبارت يازدىلر و اونى
پاكلش مېنگە كۈپ قىمتىگە توشدى!

اولر بىر پاكىت چاكلىتنىنگ تىلنىچى(گدا)سى
اپمىسىدىلر. اولر بالەنى يىمان انتباھ آلىشىدىن تشوىشىدە
اپدىلر. چونكە بالە بو بىلەن آتە-آنە سىگە نسبتاً
ايشانچسىز اولغە يىب، كىتە بۈلگىندىن سۈنگ اولرنىنگ
سۈزىگە ايشانمەسى قۇويشى ممكىن اپدى!
«داكتىر على محمد يزدى»

ایکینچى واقعه (افغانستاندە)

اپشىك تق - تق بۈلۈدى. اوشه يقىنلرده، حويلى يوزىدە اوينىب يورگن اوىنىنگ ٤-٥ يىشرا ئوغلىچەسى يوگورىب بارىب اپشىكىنى آچىپ قرهسە، بىر كىشى اپشىك آلدىدە تورگن اپمىش. بالە شاشىلىپ سلام بېرىدى، تورگن كىشىگە.

كىمسە اپسە، وعليكم يخشى بالە جان! دېب:
- آتهنگىز اويدە بارمىلر؟ دېب سۈرەبدى.
بلە اپسە شىرىنگىنە: مېن اوىگە بارىب كۈرەى!
دېب يوگورگنچە اىچكىرى حويلى گە كېتىبدى. او،
ايچكىرىگە بارىب، آتهسىگە بىر كىشى سۈرە ب
كېلگىنى ئىتىبدى.
آته اپسە، نىمە اوچون دىر تىشلىقىسى و او
آدم بىلن اوچرهشىگىسى كېلمەى، اوغىلىچەسىگە:
- بار اوغلۇم، آتهم اويدە ياغلار، دېب ئىتگىن،
دېبدى!

بله اپسه یوگوریب باریب، حالیگی کوتیب تورگن
کیشی گه ساده لرچه:
- آتهم ایتدیلر: اویده یاغلر، دېگین دېبدی!!



منطق نیمه دی؟

بیر اوچوچى استاددن سۈرەدى: منطق نیمه دى؟
استاد بىرآز اوپىل، جواب بېرىدى:
- اېشىتىينگ، بير اورنك(مثال) أىتهمن: اىكى
اپرکك آلدىمگە كېلەديلر. بىرى تاپ-تازە و باشقەسى
كىر. مېن حمام بارىشنى اولرگە تكلىف(پىشىنەد)
قىلەمن. قەى بىرى بو ايشنى قىلىشى كېرەك، دېب
اوئلەيسىزلىر ؟
اوچوچىلر بير آواز بىلن: اوشه كىرى البتە، دېب
جواب بېرىدىلر.

استاد دېدى: يۈق، اوشه تاپ-تاھىسى. چونكە او
يۈونىشگە عادت قىلگەن و كىرەتىسى اونىنگ قدرىنى
بىلەيدى. اوندە كىم حمام قىلەدى؟

اۇقووچىلار، پاكىزەسى، دېب جواب بېرىدىلر.

استاد جواب بېرىدى: يۈق، كىرەتىسى. چونكە او
حمامگە احتىاجى بار. او، ينه سۈرەدى:
- خوش، اوندە مەھمانلىرىمدىن قىسى بىرى حمام
قىلەدى؟

بو سفر اۇقووچىلر: كىرەتى! دېرىلىر.

استاد دېدى: بىراق يۈق. ايكلە سى، البتە!
پاكىزەسى حمام بارىشىگە عادتى بار و كىرە تى سى
اپسە حمامگە احتىاجى بار.

خوش، نهايت اپندي كىم حمام قىلەدى?
اۇقووچىلر گرنگ بۈلۈپ، ايكىسى! دېب جواب
بېرىدىلر.

بۈگل(دفعه، سفر) استاد آچىقلەدى: هىچ بىرى.

چونکه کیره‌تى حمامگە عادتى يۈق و پاكىزه‌سى اپسە
حمام قىلىشىگە ضرورتى يۈق!
اۇقووچىلار اعتراض بىلەن دېدىلە:
- ھە، تۈغىرى، بىراق سىز ھرگەل بىر نرسە
أىتەسىز و ھە سفر ھەم تۈغىرى دىر. اوندە بىز قنداق
قىلىپ بېلگىلەيلىك؟
استاد جوابلىيگە دېدى: خوش، اوندە متوجه
بۈلدىنگىز. بو، يعنى: منطق دېگنى!
ニيمەنى ثابت قىلماقچى بۈلسىنگ، اوشەنى منطق
بىلەن بىرچە قبول قىلگۈدۈك يۈسىنە بىان قىلىنگ. بو
منطقنىڭ خاصىتى دىر.





سويدن اولكەسى بانكنوتلريده قىزىقىلى ايش:

سويدن دولتى ٢٠١٦-يىلى بىرچە پوللارىنى يىنگىلەدى. سويدن نىنگ ايلگىرى بانكنوتلريده، معمولگە باقه شاه، ملکە و شاهى خاندان نىنگ باشقە اعضالارى تصويرى باسېلىگن اپدى. بيراق بو سفر، اولكەنىڭ ترقەتىلگەن يىنگى پوللارىدە، سويدن نىنگ دانگ تره تىگن علمي، ادبى و هنرى شخصىتلرى تصويرلىرى باسېلىگن.

بوندە يىنه بىر قىزىق نرسە، بانكنوتلارقە سىدە تصويرى باسېلىگن كىشى توغىلىپ وايه گە يېتىگن يا يىسب، الھام آلىپ ايجاد اپتىگن جاي تصويرى چاپ اپتىلگن.

بو اپزگو ايش، درواچى بشرىت يىره تىگن بىليم، هنر

و اپگه لریگه حرمت و اعتبار بېرىش دىر. اوندن تشرى، بو بىلن عنعنوي يۈسىننە شاهى خاندانلار و سىياسى سىمالرى انحصارىدە بۈلگىنىكىدىن چىقەرىيلدى. تصویرلىرى بىلن بىلن بېزەلگن بىلىم، ادب و هنر نخبەلری قويىدە گىلردىن عبارت دىر:



۱. (۲۰ کورونىك) بانكىوتىلدە، سويدن نىنگ مشھور بالەلر قصەلرى يازووچىسى خانىم آسترىيد ليندگرن (Astrid Lingren) نىنگ تصویرى توشىرىيلىگن. يازووچى اثرلىرى دنيانىنگ ۸۰ تىلىدىن كۈپراقيقە ترجمە قىلىنىب، اولردىن بالەلر اوچون جدا كۈپ مخصوص فيلملىرى هم يىسلگەن.



.۲ (۵۰ کورونىك) بانکنوتىلدە بۈلسە سويدن نىنگ مشھور قۇشىقىچى و كمپوزيتورى اىورت تاوبى (Evert Taube) جنابلرى نىنگ تصویرى باسىلگەن.



.۳ (۱۰۰ کورونىك) بانکنوتىلدە اېسە سويدن اولكەسى نىنگ مشھور سينما و تياتر صنعتچىسى

خانیم گریتا گاربو (Greta Garbo) نینگ تصویری
چاپ اپتیلگن.



.۴. (۲۰۰ کورونلیک) بانکنوتلرده سویدن نینگ مشهور فیلمساز و سناریو یازووچیسی انگمار برگمن (Ingmar Bergman) جنابلری نینگ تصویری باسیلگن.



.۵. (۵۰۰ کورونلیک) بانکنوتلرده سویدن اوپراسی نینگ مشهور هنرمندی خانیم بریژیت نیلسون

. نىنگ تصویرى چاپ قىلينگن. (Birgit Nilssun)



۶. (۱۰۰۰ کورونىك) بانکنوتىلدە مشھور اقتصاد عالمى، بىرلشگن ملتلىرى تشكيلاتى نىنگ ايکىيىنچى عمومى باش منشىسى هىمده سويىدىن بىليىملر اكادمىسى عضوى داگ ھامر شولد تصویرى توشىرىلىگن. او، افريقادە كانگو اولكەسىنинگ اىچكى اوروشلىرى حلى اوچون قىلىگن سفرى جريانىدە هوای سانحەگە اوچرهب، اولگن اپدى.

چىمىدىم: تورلى بوزمه كار رهبرلر و قهرمانلىرىن تۈله هىمده ۵۰ فايىزلىك ايکى حكمانلىك بىزنىنگ

«جن اور گن» او لکه میزدہ، اگر ده بانکنو تلر تازه لئماقچی
بؤلسه، بو ایش قنداق رسوا لیکلر گه دوچ کېلیشینى
اولوغ تېنگری نینگ اۋزى بىله دى !!



ملا نصرالدین افندى نینگ قصه سى:

بىر كونى افندى انچە زحمت چېكىب، اپشىگىنى
تام نینگ اوستىيگە چىقدى. بىر آز مدت او تىب، اپشكىنى
تو شير ماقچى بۇلدى، بىراق اپشك قويى گە تو شىمس
اپدى.

اپشك نینگ يوقارى چىقيشى، بىراق قويى
تو شىمسلىكىنى افندى قە پىردن بىلسىن؟ بىر آز
ايىتىليشىن سۈنگ، افندى چرچب، هارىدى و اۋزى
تامدن اپندى (تو شىدى). اپشك اپسە تام اوستىيدە او ياق
-بو ياققە سكىرەب (خىزىل ب)، تېپكىلردى. نهایت، تام

قولەدى و اپشك ھم اولدى.

اۋى (فڪر)گە كېتگەن افندى، اۋز - اۋزىيگە:

- بىر اپشكى يوقارى اورىنگە چىقرىم، او، ھم

اۋشە اورىننى بوزىب تىشلىسى و ھم اۋزىنینگ باشىنى

يېيشىنى نېڭە بىلەمەدىم - ھە؟ دېب اۋزىنى لەتتىرىدى !!



«دنيا» حرصى

بىر كونى بىر يىگىت آتەسىنinin قاشىيگە بارىب:

- مېن بىر قىزنى كۈرىب، اونىنگ چىرايى و

ارباغلى (سِحرلى) كۈزلەرىگە شىدا بولدىم. او بىلەن

او يىلەنىشنى اىستەيمىن، دېدى.

آتەسى اپسە قۇوانچ بىلەن دېدى: بو قىزنى

ساوچىلىك قىلەمن، او قەپىردى دىرى؟

كېپىن آتە-اوغىل قىزنى كۈرماق اوچون بىرگە

باردىلر. بىراق آتە، قىزنى كۈريشى بىلەن آق اونگە
كۈنگلى كېتىپ قالىب، اوغلىگە دېدى:

- قره اوغلىم، بو قىز سېنинگ تېنگىنگ اېمسى
اېكن. اونى سېن بختلى قىلالىمەيسن. او، مېنگە
اوخشاش بىر اېرگە سويمەنيشى كېرەك!
اوغلى حىرتلهنىب جواب بېرىدى:

- بو ايش ممکن اېمس. بو قىز بىلەن فقط مېن
اوينەمن، نى سىز آتە جان!

آتە و اوغىل بىر-بىرى بىلەن أىتىشىب، جنجال
قىلىشىب قالدىلر. اىشلرى قاضى گچە تارتدى. اولر
ماجرانى قاضى گە أىتىب بېرىدىلر.

شوندە قاضى، مسألهنى قىزنىنگ اوز آغزىدىن
اېشىتماق اوچون قىزنى محكمە گە حاضر قىلىشلرىنى
بويوردى.

قاضى قىزنى كۈرۈب، بىردىن اونىنگ چىرايى و
لطافتىگە قىتىق شىدا بؤلىب قالدى. شوندە او:

- بو قىز سىزلىگە مناسب اېمس. او، مېندېك
بىر عملدارگە مناسب دىر، دېدى!
شوندە اولر اوچلهسى جنجاللهشىپ قالدىلر. اولر
جنجالنى حل قىلماق اوچون وزير قاشىگە باردىلر.
وزير ھم قىزنى كۈريشى بىلەن آق اونى ياقتىرىپ
قالىپ، بو قىز مېندېك بىر وزير بىلەن اويلىنماغى
كېرەك، دېدى!
قىسقەسى، ماجرا سلطانگچە يېتىپ باردى.
سلطان ھم باشقەلر كېيىقىلى كېتىپ،
او بىلەن فقط مېن اويلەنىشىم كېرەك، دېب تورىپ
آلدى!

أىتىشىوولر و جنجاللار كېسکىنلىشىدى. شوندە قىز
ايلىگرى كېلىپ، دېدى:
- بو ماجرانىنگ يېچىش كلىدى مېنده دىر. مېن
قاچەمن. سىزلىر اېسە مېنинىڭ آرتىمدن يوگورىنگلر.
سىزلىردىن كىيم مېنى قوويب توتالىسە، مېن اوشە بىلەن

تؤى قىله من!

قىز يوگورىپ كېتدى. آته، اوغىل، قاضى، وزير و سلطان بېش كىشى بۈلەپ، آرتىدىن يوگوردىلر... توستدىن بېشاوى قازىلگەن چوقور بىر چوقورلىككە قولب(ييقىلىپ) توشدىلر. شوندە قىز چوقور تىپەسىگە كېلىپ، اولرگە باقىب دېدى:

- مېنинگ كىملىكىم نى بىلەسىزلىرى مى؟!

هە، مېن "دنيا" من!! مېن، مردم آرتىيمدن يوگورەدىگەن كىمسە من. اولر مېنى قولگە كىريتىماق اوچون بىر-بىرلىرى بىلەن بېللشەدىلر. اولر مېنگە يېتىماق اوچون عايىلە، دين، ايمان و بوتون شرافتلىرىدىن كېچەدىلر. اولرنىنگ غله موسلىك(حرص) و طمعلىرى نىنگ اداغى يۈق. گۇرگە قۇيىلگەنلىرىچە تلاشەدىلر. بىراق، هىچ قچان مېنگە يېتە آلمه يىدىلر!!

محمود نامى نىنگ «لطفن قۇى بۈلەنگىز!» ناملى كتابىدىن.



عبرتلى سۈز:

بىرینچىدە سېنى كۈزگە ايلمەيدىلر، كېيىن سېنى مسخرە قىلە دىلر.
سارە سېنگە قىشى كورەشەدىلر.
«مهاتما گاندى»



آلبر كامونىنگ «طاعون» كتابىدىن پرچە:
گۇرستان نىنگ سۈنگىيىدە، درختلر بىلەن قاپىلەنگەن
فضادە، ايكىيە كېنگ چوقور قازگەن اپدى. بىرى
اپكىكلر چوقورى و باشقەسى عىاللر چوقورى.
اوшибو اوئى(فکر، نظر) بىلەن، مسؤول مقاملىر
اخلاق اصولىنى رعایت قىلە اپدىلر. انچە كېينىلر،

حاده‌لر جبری طفیلی عفت‌نینگ اوشبو سونگى
بېلگىسى ھم يوق بۇلدى. آدملىرى حىا و عفتگە نسبتىن
پرواسىز، اپرکكلەر و عياللەرنى اره لاشتىريپ، بىرگە و
اوستمه-اوست تۈپرافقە كۈمىدىلر.




دانا و نادان حقىدە:

ارسطو حضورىدە نادان بىر كىشى، بىر دانا
كىشىنى تنقىد قىلىپ، اوئىننگ يمانلىكلىرىدىن
سۈزلەدى. دانا كىشى ھم جىيم اولتىرمەى، نادانگە
اعتراض بىلدىرىدى.

ارسطو بۇلسە نادان كىشىيگە ايندەمەدى. بىراق
دانانىنگ اوشبو ايشى اوچون ملامت قىلدى.
данا تعجب بىلن سورەدى:

- او بىرينچى بۇلىپ يمان سۈزلەرنى أىتە
باشلەدى، نېگە ئىندى مېنى ملامت قىلەسىز؟ اوندى

تشقىرى، او بىر نادان كىشى، بىراق مېن بىليملى من!
ارسطو دېدى: مېن ھم سېنى بىليملى اېكىنинگ
اوچون ملامت قىلدىم. سېندېك بىر بىلملى كىشى
ناداننى تانىيىدى؛ چونكە اوزى ھم بىر پېتلر نادان اېكن
و كېين دانا بۈلگەن. بىراق نادان كىشى دانانى
تانييمەيدى؛ چونكە او حالى دانا بۈلمەگەن-دە!



آلبرت انشتاين سۈزۈرىدين:

بىر عالم اوز ينگليشىنى كشف اپتسە! بىر سىچقاندېك
دىر. بىراق باشقەلرنىنگ ينگليشىنى كشف قىلگىنده
خودى بىر ھىيتلى ارسلان كېى دىر!

مکتبلرده تاریخ علمی امپریالیستیک کوج و
حربي موفقیتلری اوچون اېمس، بلکه مدنیت
یوکسليشینى تفسیر و شرحى اوچونگىنە وسیله
صفتىدە فايدەلنسىن.

علمی كورسيلر جدا كۈپ، بيراق بىليملى و اصيل
استادرل آز دىر. محتشم بويوک سالونلر كۈپ، بيراق
حقىقت و عدالتگە چىن چنقاق ياشلر آز دىر. طبىعت
سناقسىز نرسەلرنى ايشلب چىقهەرەدى، بيراق زىدە و
خاص ايشلب چىقهەريلگەن نرسەلر آز دىر.

واقعىت و گۈزەللىكىلرگە يېتماق اوچون اوقيش و
اينتىليش قلمرويىدە بوتون عمر باله بۈلۈپ قالىشىمىزگە
اجازەمىز بار.

اداري يا دولتى هىچ قنداق بىر فن يا فعالىت

بىلىم ايشلب چىقهەرەآلمه يدى. اولر فقط بار نرسەلرنى
گىنە حمايت قىلىشلىرى ممكىن.



«مېنگە تېڭىشلى ئېمس» دېمنگىز!

بىر سىچقان اويدە قاپقاننى كۈردى. تاۋووق و
قۇى و ھۈكىزگە خبر بېرىدى.

برچەسى: قاپقان سېنینگ قىينچىلىيگىنگ،
بىزلرگە تېڭىشلى ئېمس، دېدىيلر!

بىر اىلان قاپقانگە توشدى و اوى بېكەسىنى
چاقدى.

تاۋووقنى سۈيىب، اونگە شۇربا پىشىردىيلر؛
كىسلنى كۈرگنى كېلگىنلار اوچون قۇينى باش
كېسىدىيلر؛

ھۈكىزنى ھم ترحيم مراسمىدە سۈيدىيلر.
اوшибو بوتون مەتدە، سىچقان دېوارنىنگ

تپشیگیدن باقردی و بیغلدی!

«مېنگە تېگىشلى اېمس دېمنگىز!»



خرافات- انسانلارنىڭ اشىي ياوى!

۱۳ نچى يوزىيللىك(قرن)دە طاعون ترقىلىدى.
كليسا اونى يهودىلر گناھلرى بىلگىسى، دېب بىلدى.
بواريا و استراسبورگ دە ۱۲ مىنگ يهود كويىدىرىلدى.
قالگەن اولوسنى اېسە طاعون اۇلدىرىدى!

۱۶ نچى يوزىيللىك(قرن)نىڭ اداغىدە بىر مدت
جراھلىك قته غن(منع) قىلىنىدى. پاپنىڭ عقىدەسىيگە
كۈره، قىامت كونى بدنىنگ پرچەلرى بىر-بىرينى
تاپالمس اېكىنلر! پاپنىڭ اوшибو تصميىمى طفيلى،
قيامت كونىدە بدنلىرى پرچەسى يۇ قالمىسىلىك اوچون
مېنگلرچە انسان اولىب كېتدى!

۱۷ نچى يوزىيللىك دە فلورانس (ایتاليا شەھرى) دە

بىر مبارك سويكىنى سيلش، كسلنى ساغلتىرە دى،
دېگن گپ ترقلدى. تصادفگە كۈرە بىولۇزى بىلىمى،
او سويك بىر اپچكىニيکى اپكىنى كشف اپتدى.
بىراق سويكلر ھمان آدمىلگە شفا بېرر اپدى!
ينگلىش(غلط) عقىده و ايشانچلردن كۈر-كۈرانە
دفاع اپتىش، انسانلر سعادتى و اپركىنلىگى نىنگ اېنگ
بويوك ياوى(دشمنى) دىر.
(بويوك فيلسوف برتراند راسل)



ايشانچلر و رسملىر نېگىزى!

بىر معبدىدە بىر موشوك(پشك) يشر اپدى.
موشوك، راھىلرگە عبادت چاغىدە مزاھمت قىلىيب،
فکرلىرىنى پريشان قىلىر اپدى.
نهایيت، بويوك استادلىرى مراقبە و عبادت پىتى

بیر کیشی موشوکنی باقهه(باغگه) اپلتیب، بیر درختگه
باغلب قویسین دېگن بویروق بېردى.
بو ايش شو يۈسىننەدە يىللەر بۇئى دواام اپتىدی و
اوشه مذهبنینگ اصوللارىدىن بىرى بۇلدى!
يىللەردىن سۈنگ، بويوك استاد اولدى!
موشوک ھم اولدى.....

معبد راھبلىرى، عبادت پىتى عبادت اصولىنى
تۈزۈك بجا كېلتىريش مقصىدە، بشقە موشوک ساتىب
آلىب معبدگە كېلتىرىدىلر و درختگە باغلب قویدىلىر!!
كۈپ يىللەردىن سۈنگ باشقە بىر بويوك استاد،
عبادت پىتى موشوکنی درختگە باغلش اهمىتى حقيىدە
رسالەلر يازدى !!

* بىزنىنىڭ كۈپلەپ ايشانچلر و تورلى اوどوم و
مراسمىيمىز ھم شو يۈسىننە مهم [و حتى مقدس و
ملى] اصل و قانوننگە أىلەنیب قالەدی....!!!



تۈغىلىش نىمە دىر؟

«يونسکو» اوшибو سۈراقنى بوتون دنيا ملتلىيگە كۈندهلنگ قويىگەن اپدى.
اپنگ يخشى و گۈزەل جواب ھندوستاندىن بىيارىلدى.
اوندە شونداق يازىلگەن اپدى:
آنه نىنگ اۋز چقه لاغى يىغىلىرى بىلەن كوليمسىرە شى «تۈغىلىش» «كۈنگىينە دىر.



توركى يىل

قدىمدەن توركىلر اۋزلىيگە خاص «يىل موچلى» (سال شمارى) دن فايىدەلەنib كېلگىنلەر. بو «يىل

موچل» ده هر بیل بیر حیوان آتی بیلن اته لیب، بو بیلن اوں ایکی بیل، ۱۲ حیوان آتی بیلن ناملنگن.
بیل موچله‌گی حیوانلر ترتیب بیلن قوییده‌گیچه:



۱. سیچقان
۲. اود (سیگیر، اینک)
۳. یولبرس
۴. تاوشقان (قویان)
۵. نهنگ
۶. ایلان
۷. آت
۸. قُوی
۹. میمون
۱۰. تاوق
۱۱. ایت (کوچیک)
۱۲. چوشقه (خوک).

اوшибو ۱۲ حیوان نامى قويىدەگى تۈرتلilikىدە
ترتىب بىلن أىتىلگەن:

موش و بقر و پلنگ و خرگوش شمار
زىن چار چو بگىزى، نهنج آيد و مار
وانگاھ به اسپ و گوسفند است حساب
همدونە و مرغ و سگ و خوك آخرىكار



اۇزنى كۈپرەق تانيماق كېرەك

اۇزگەلرنىنگ حرکتىدىن رنجىگىنيمىز، معمولگە
كۈره ايچىمىزدەگى يېچىلمەگن نرسەلر طفىلى دىرى!
اۇزىمىزگە يېچىلمەگن بىر خىلتىمىز بۈلگەن
پىتىدە، مطرود بۈلگەن نرسە گە اپرىشىش و اونى
قوچماققە ياردىم بېرىش اوچون، أىرىيەم واقعەلرنى اۇز
تورموشىمىزگە جلب اپتەمىز.

بیز اوْز کمچیلیکلریمیزنى باشقە لرگە نسبت
بېرەمیز و درواقع اوْزیمیزگە أیتىشى كېرەك بۇلگن
أیرىم مطلبىرنى باشقەلرگە أیتەمیز. دنيا بىر كۈزگو
صفتىدە خصوصىتلەرمیزنى اىزچىل اوْزیمیزگە عكس
اپتىرەدى. باشقەلرده كۈرەدىگن نرسە لرنىنگ
اوْزیمیزدە بارلىگىنى توشۇنib يېتگن چاغىدە گىنه، بىرچە
دنیامیز اوْزگەرىدە.
«دېبى فورد»



اپتك(متل، قصه، افسانە)نىنگ باشلهنىشى
اپتكلر معمولىگە كۈرە «بىر بار اپدى، بىر ياغ
اپدى، ...» سۈزلر بىلن باشلەندى. ميرعليشپەر نوايى
اوшибو نرسەدن قويىدەگى مىرعلەرده عجايىب
موضوعدە فايىدەلنىڭن:
دېدىلر كىيم بېل و آغزىدىن دېگىل افسانە يى
باشلهدىم فى الحال: «بىر بار اپدى، بىر ياغ اپدى»



كولگى حقيده

متفرک شاعر «مېلتۇن» اۆزى نىنگ «يۈقالىگن بېھشت» كتابىدە شونداق يازىدە: «مېھ(مغز) يلغوز اۆزى، حكمانلىك اورىنيدىن بېھستىن، بىر دوزخ و دوزخدىن اپسە، بىر بېھشت يېرەتە آللەدى!» خودى شو مسائلەنى مولوي بلخي جدا گۈزە ل مصروعە شونداق بىان اپتىگن: «گر بود انديشە ات، گل، گلشنى!»

انگليسيچە بىر مقال شونداق دېيدى: «تېنگرى عقللى كىشىلەرگە كولەدى و عقللى مردم ھم تېنگرى نىنگ جوابىيگە كولىيم سىرەيدىيلر!» بىراق، كولگى نىنگ آلتىن قانونىنى اپسدن چىقىرمەيلىك: «دايم باشقەلر بىلەن كولەيلىك و هىچ

قچان باشقەلرگە كولمەيلىك!»

مەهم نكتە

اگر-دە قووانج بۈلەنسە، ايڭى بىرەور بۈلەدى!

اگر-دە قىغۇ بۈلەنسە، يىرىم بۈلەدى!



تىرييكلilikكە سوقۇرنىنىڭ گۈزەل باقىشى

بىر كىسلخانە دە ايڭى كىسل بىر اۇتاقدە

ياتقىزىلگەن اپدىلر. اولىدن بىرىيگە ھركۇنى توشىدىن

كېيىن بىر ساعت كېلىكىن يانىدە، منجەسى(تختى) گە

اۇلتىريشىگە رخصت بېرىلىگەن اپدى. بىراق، ايڭىنچىسى

دايم قىميرلەمەى، ارقەسىنى اۇتاقداشى گە قىلىيب،

منجەسى اوستىيگە ياتىشىگە مجبور اپدى.

اولى ساعىتلەب عمرىيۇلداشلىرى، عايىلە لرى و

عسکرلىك خدمتى دورانلىرى حقىدە سۈزەلەشىر اپدىلر.

منجهسى كىلكىن يانىدە بۇلگەن كسل هركونى توشدىن سۈنگ اولتىرىپ، تىشقىرىدە كۈرگەن نرسەلرینى اوتاقداشىيگە توصىف قىلدى. اوتاق كىلكىنى چىرايلى كۈلى بۇلگەن بىر كۈرکەم پاركە قرهگەن اېدى. كۈلەدە چىرايلى اوردىك، قو و قازلۇر سۈزىپ يورر، بالەلر اپسە قايقچەلردى سوو يوزىيگە گېزىپ، وقتى چاقلىك قىلدىلر. كېكسە درختلر و اولردىگى تورلى قوشلارنىڭ اويمەلرى جدا گۈزەل منظرە يېرەتگەن اېدى. اېركەك كىلكىن يانىدە اولتىرىپ، بو گۈزەل منظرەلرنى بىرمە-بىر اۇرتاغىيگە توصىف قىلدى.

اوتاقداشى اپسە كۈزلەرەن يومىپ، ذهنىدە توصىف اپتىلگەن منظرەلرنى تصور قىلىپ، لىبلرىدە چوچوك تبسم تاپىلدى. بو تبسم، دروازى كۈنگلىدە اوشبو حكايتىدىن تاپىلگەن جدا اينجە و ياقىملى توينىدون دلالت بېردى.

هفتەلر اوئردى و ايکى كسل اوشبو منظرە لر

بىلەن يىشدىيلر. بىر كونى كىلىكىن آللەيدە اولتىرە دىيگەن
اپرکك اولدى. كىسلخانە ايشچىلىرى اولىگىنى اوتاقدن
تشقىريگە اپلتدىلر. باشقە اپرکك بو واقعە دن جدا
ناتىنجىڭ اپدى. او، منجەمنى كىلىكىن يانىگە اپلتىب
قۇيىنگلەر، دېب التماس قىلدى. نرس بو ايشنى مراق
بىلەن بىردى.

اپرکك، اۇرتاغى توصىيف قىلىپ بېرگەن گۈزە ل
منظەرەرنى اۋز كۈزى بىلەن كۈرماق اوچۇن، سېكىن و
اۇته آغريق بىلەن اۋزىنى كىلىكىن تمان سوردى.
او، منظەرەگە كۈزى توشىشى بىلەن حىرتىلە نىب،
كۈرىپ تورگەن نرسەگە ايشانگىسى يۈق كېلىمس
اپدى! اونىنڭ كۈز اۇنگىدە يوكسك بىر دېوار، ھە،
فقط بىر يوكسك قوپە-قوروق دېوار بار اپدى! شو!!
اپرکك اۇته حىرت بىلەن نرسگە دېدى:
- اوتاقداشىم دايىم جدا گۈزە ل و مراقلى
منظەرەرنى مېنگە توصىيف قىلردى. اوندە نىمە

بۈلگن...؟!

نرس سادە چە دېدى: بىراق اۇرتاغىنگ بوتونلەرى
سوقولور(كۈر، نابىنا) اپدى-كۇ!

«جىن سىمسون» تىريكلilik قىمتىنى
سۈزلەرنىنگ مزەسى و چوچوكلىگىدە توشۇنىب،
شۇنداق كويىلە يدى؛ اۇرنك اوچۇن: باق، قىنجهلەر سېنى
سېۋەمن!

يا مېن يانىنگدە من! كېيىمىي سۈزلە.
تۇرموش(حىات)دە شولىر كورەشىش بەھاسىنى
پېرەدى!



ابوسعیدنىنگ حمامدەگى حکایتى

ابوسعید ابوالخیر حمامدە اۆزىنى كىسە لىتر اپدى.
كىسە چى اپسە او بىلەن سۈزلەب، ابوسعید قولىنىنگ
كىرلەرنى بازوسيدە تۈپلەردى. كىسە چى صحبت

آقیمیده ابوسعیددن سۈرەدی:

- اپى ابوسعید، لوندە قىلىپ بىر سۈز بىلەن ئىيت-

چى، جوانمردىك نىمەدە؟

ابوسعید كىسەچى اوئىننگ بازاوسى چېتىدە

تۈپلەگن كىرلرگە باقىب دېدى:

- كىرنى يارىننگ يوزىگە كېلتىرمىلىك،

جوانمردىك دىرى!



اپزگۇ صفت

اۋۇزگەلرنىننگ قۇپال و قىتىق سۈزلىرىنى اپشىتىش و

اينجە(لطيف) سۈزلر بىلەن اوئىننگ جوابىنى بېرىش،

پىغمېرلر صفتلىriden دىرى. بىز بىرچە مىز شونداق

بۇلەآلەمىز!





اگر مشکلاتنینگ (م)ينى كۈترىسک-چى!

«پائۇ كۈئلىيۇ» اوۇز اېسىدەلىكلىرىدە مشھور فرانسوی
عالىم «ژان كوكتو» حقيىدە يازىدە:
بىر خبرنگار مېنگە او حىدە شونداق حكايىه
قىيلدى:

بىر كونى «ژان كوكتو» نىنگ اوىيىگە باردىم.
اوينىنگ اوىيى درواقع عكسلر چوڭاتى، دانگ تره تىگن
ھنرمندلرنىنگ نقاشلىك اثرلىرى و كتابلر يىلن ليق تۈلە
اپدى.

ژان كوكتو بىرچە نرسەنى سقلب، اسرەر اپدى و
بويملىرىنى جدا ھم سپور اپدى. مصاحبە لرىمىدىن
بىرىدە اوندىن سۈرەدىم:

- اگر بىر مشكل تاپىلسە، نىمە قىلەسىز؟ مثال

اوچون قنداق مشکل؟ دېب سۈرەدی کوكتو.

- مثال اوچون اگر شو كېز(وقت)دە اوينىڭيىز

يانسە و سىز فقط بىر بويومنى گىنە اوزىنگىيىز بىلەن
چىقەرىشگە مجبور بۇلسنگىيىز. بويوملىنىڭ قەى

بىرىنى تىلەگن بۇلەپ دىيىنگىيىز؟

ڦان کوكتو بيرآز اوپىلەنىپ:

- اوٗت(الو)نى تىلەپ دىيىم، دېدى.

كۈرەسىز مى! ڦان کوكتو سىنگىرى بۇلىش
كېرەك. مشكل يۈز بېرگن چاغىدە، قول-اياغىمىزنى
يىتىريپ قالماھى، بىرىنچىدىن مشكلنى تحليل قىلىپ،
اونى حل اپتىش كېرەك!



حضرت علی(ك) سۈزى

«مېن تىريكلىكىنى سېۋەمن و دنيادن بىزارمن!!»

او كىشىدىن سۈرەدىلىر:

- تىريكليلك و دنيا اورتهسىدە نىمە فرق بار؟
او ذات دېدى: «دنيا يېماق، او خله ماق، اچىق
(غضب) و شهوت بىستىريده حركتىلە نىش دىر. و
تىريكليلك اېسە، ذوق و شوق يا پىنچىغى (پرده سى)
آرتىدىن انسانگە باقه دىيگن بىر يتيم بالەنинگ كۈزىيگە
باقيش دىر!»



شىخ ابوسعيد حكايىيەسى

بىرکونى ابوسعيد اۇقووچىلىرى بىلەن بىر محلە دن
اۋتر اېدى. يۈلەدە بىر مونچە سَسِيغ چىقىندى و اخلاقاتلر
تشلىڭن اېدى.

ابوسعيدنىنگ اۇقووچىلىرى بورونلىرىنى اوشلىب، او
پىردىن تېزدە يوگورىب اوتدىلىر. بىراق، ابوسعيد
چىقىندىلىر يانىدە تاختىپ، اولر بىلەن سۈزلەشىپ توردى.
صحنەنى اوزادىن كۆزەتىپ تورگن اۇقووچىلىرى، شىخ

تېلبه بۈلىيدى، دېب اوپىلەدىلر!

بىرآزىن سۈنگ شىخ اۋقووچىلىرىگە كېلىپ
قۇشىلدى. شوندە، اولر شىخىدىن حىرت ارە لش
سینچكاكاولىك بىلەن سۈرەدىلر:

- يا شىخ! نىمە قىلە ئەدىنگ؟!

شىخ دېدى:

- مېن چىقىنىدىلر بىلەن سۈزىلەشر ئەدىم. اولر
سىزلىرىنىڭ گىلە قىلىپ، مېنگە دېدىلر:
- اې شىخ! بىز، اۋقووچىلىرىنىڭ بىر عالم مەنت
بىلەن بازاردىن ساتىپ آلىپ، چىراىلى يۈسىنىدە
دسترخوانلىرى اوستىگە بىزەب قۇيىگەن اوشە گۈزە ل،
لطافلى و چوچوك مېوه-چېوهلر، يەم-يىشىل كۈكتىر و
تورلى يېمكلىر ئەدىك. اولر كېيىن بىزلىرنى مزە قىلىپ
يېدىلر.

بىز آز پىتىگىنە اولر بىلەن بىرگە ئەدىك و بىزلىرنى
منە شونداق اچىنرلى كۈيگە تىشلەدىلر.

اپندي سېن أىت-چى! بىز اولردىن قاچىشىميمىز
كېرەك مى ياكى اولر بىزلىرىدۇ؟
شيخ نىنگ اۇقووچىلىرى اويالىب، چوقور اوپىلاوگە
تووشدىلر!



كىنه و نفترت حقيده:

«نفترت» بىر جنازه دىر. سىزلىرىن قەرى بىرىنگىز
قبر بۈلۈشنى اىستەيسىز؟

(جبران خليل جبران)



سېوگى حقيده:

مولانا جلال الدين محمد بلخى دېيدى:
عشقا گر كىز پى رنگى بود
عشقا نبود، عاقبت ننگى بود



چین سپوگى:

چين سپوگى روح باغچه سиде اوئىب، يىشنه يىدى
و مجازىي سپوگى اپسە جسم بىسترىيدە.

(جبران خليل جبران)



چين عبادت:

بىر يورە كنى قوواتىيرماق اوچون قىلىينىڭ ايش،
عبدات اوچون اپگىلگەن مىنگ باشدن افضل دىر.
(مهاتما گاندى)



حىكىمتلى دردانەلر:

- بىرچە كونلرينىڭ بىر خىل بۈلسە، دېمك سېن تىرىيک اپمىس سن!
- عاقل بۈلگىنىڭ يېردى، باتور بۈليشىنىڭ كېرەك اپمىس!
- اپسىنگىدە توت! شىطان جزئياتىدە تورەدى!
- سىز بىلەن مشترىك خاصىيەتلىرى بۈلگەن كىشىلىر بىلەن گىنه معاشرەت قىلەمەنگىز!
- تېميرنى آھن ربا اىستەگنى كېيى، موفقىيت قازانىش اوچۇن اينتىلىگىن!





عېرتلى سۈز

ادىسون بىرته گروپنى اختراع قىلماق اوچون
1300 تە گروپنى كويىدىرىدى. بىراق، ادىسون نېچىتە
گروپ كويىدىرىدى؟ دېب هىچ قچان كىشىلر
سۈرمەيدىلر!



فرويد أىتەدى

بىزىنینگ طنزگە احتىاجىمiz بار؛ چونكە بىز
اولغەيگەن سرى قىغولى و مونگلى بولىشىگە تىار بولىپ
بارەمiz. بىراق، بالەلر آسانگىنە كولەدىلر.



لطيفه حقيده

«لطيفه‌لر درواقع اوْزگە لرنى كولدىرماق اوچون گىنه يره‌تىلەدى. بو بىلن اوْشه يشىرىن يا يارىتىلمەگن نرسەلرنى چىقه‌رەدى.»



ديل كارنگى أىته‌دى

«بىشىر يوز بېرمەگن حادثەلردىن رنج اېلتىگىنچە، اوْشه حادثەلر يوز بېرگىيىدىن رنج اېلتىمەگن!»





رەجح حقيده

«ھەرچند دنيا رنجىن تۈلە دىر؛ بىراق او، رنجىلگە
غىلبه قازانىشىلدەن ھەم تۈلە دىر!»



بويوكلر سۈزلىرى

انسان بختىزىلىگى جەلدىن اېمس، او نىنگ
دنگىسىه(تنبىل)لىگىدىن دىر.
ياو(دشمن)دىن بىر قىتلە و دوستدىن مىنگ قىتلە
«چارلى چاپلىن» قورق!

جنايتچى كېتىدە، بىراق او نىنگ شىرى قالىدە.

«شكىپير»

بىراونى قىچەلر سېوسىنگىز، اونى آزرادى مغرور

قىلىنگىز!
«مولیر»

اخلاق احاطاى، دايىم مدنىتلر انقراضى نىنگ
ايلغارى دىر.
«مونتسكىي»

ايسلتمە: ٧٩ دن ٩٧ نكتەلر محمود نامنى نىنگ
«لطفاً قۇى بېلمنىڭىز!» آتلى كتابىيدن اوگىرىلىگەن.



جسورلىك و بىرتقىچلىك!

بىر انسان اگر بىر يۈلبرىسنى اولدىرسە، آتىنى
جسورلىك و سپورت، دېب قۇيىدەيلر. بىراق بىر
يۈلبرىس اگر بىر انساننى بىرتسە، بونىنگ آتىنى
ياوايىلىك و آدمخورلىك قۇيىدەيلر.

بشرىت قاموسىدە جنایت و عدالت اختلافى ھم بوندىن
آرتىق ئېمس.

«كنفسيوس»



انسانلر و حشره‌لر

انسان حشره‌لردن هم کیچیک دیر؛ چون اولر بیز نینگ اولدیرماق اوچون فقط نیش‌گینه اوره دیلر. بیراقدا، بیز اولرنى اولدیرماق اوچون بوتون وجودلرینى اپزیب، لیش قیلیب بیباره میز.

«گى دوموپاسان»



کۈنىكىش و بۇيىسونىش عاقبىتى

روایت قىلیشلىرىچە، بىر خوراز ھركونى اپرته تانگىدە قىچقىردى. بىر كونى اپگە سى اونگە:
- بوندن بويان قىچقىرمە يىسن. عكس حالده پر -پوتىنگنى يولىب تىشلە يىمن! دېدى.

خوراز قۇرقدى و اۋزىگە اۋزى: ضرورتلر، محظور
(حرام، ياساق)لر و قته غانلرنى مباح قىلە دى. شرعى
سياستگە كۈرە، جانىم امان قالىشى اوچون
قىچقىرماقدىن واز كېچماغىيم كېرە ك. «اۇرنىمگە
قىچقىره دىيگن باشقە خورازلار بار-كوا!»
و خوراز قىچقىرماقدىن اۋزىنى تىيدى.
بىر هفتە اوتىب، اېگە سى اوئىننگ قاشىگە كېلىپ
دېدى:

- اگر تاۋوقلاردىك "قىت-قىت" لە مە سىنگ،
پتلىينىڭنى يولىپ تىشلە يىمن!
... خوراز يىنه بؤىسوندى و كۈنىكىب تاۋوقلاردىك
قىت-قىتلىپ يوردى!!
بىر آيدىن سۈنگ، اېگە سى تغىن اوئىننگ قاشىگە
كېلىپ دېدى:
- اگر اپرتە گچە تاۋوقلاردىك تخم بېرمە سىنگ،
سېنى سۈيە من، دېدى!

شوندە خوراز اچینىب، حسرت بىلن مونگلى

بىغلىب دېدى:

- كاشكى قىچقىرە-قىچقىرە بو دنیادن كېتسىم

اپدى !!

چىمىدىم: ياتىب قالگىنچە، آتىب قال!





محمد کریم ذره عظیمی اوغلی محمد حلیم یارقین هجری ۱۳۲۹ بیلی سرپل ولایتی مرکزی سرپل شهریده توغیلگن. او، لیسه دورینی هرات و کابل دارالعلومین لریده توگه‌تیب، هجری ۱۳۵۴ بیلی کابل بیلیم یورتی، طبیعی بیلیم‌لر فاکولته‌سی نینگ فیزیک بولیمی دن دیپلوم آلدی. او، چمه‌سی ۴۰ بیل دن آشه اوزبیک فولکلوری، ادبیاتی، تیلی، مدنیتی همده طنز بؤییچه قلم تېببەر تیب كېلماقدە.

اونىنگ علمي-تحقيقى اثرلرى افغانستان، اوزبېكستان، ایران و تورکىيە ده باسىلىپ چىققۇن. افغانستان، اوزبېكستان و ایران اولكەلریدن علمي-ادبى ساورىن لر آلگىن.

حلیم یارقین نینگ باسىلىپ چىققۇن طنز كتابلارى:

١. و كالت دىدغەلرى (أوزبىكچە)، كابل: ۱۳۸۶.
٢. يىنگى رئيس ھم كېلدى! (أوزبىكچە)، كابل: ۱۳۸۶.
٣. بىز اعلانلار تختەسى مىز!، كابل: ۱۳۸۶.
٤. دەيدى إيتىركەمپاينى! (أوزبىكچە)، كابل: ۱۳۸۹.
٥. سۈكىش ھم پول بۇلار اپكىن! (أوزبىكچە)، كابل: ۱۳۸۹.
٦. حاجى تريشر! (أوزبىكچە)، كابل: ۱۳۹۲.
٧. بو اوشه بىچارە گىنە! جلال نورانى طنزلىرى نينگ اوزبىكچە ترجمە سى، كابل: ۱۳۹۲.
٨. راز تشناب‌ها(درى)، "الازهر" نشرىياتى، كابل: ۱۳۹۲.
٩. نمايش عجىب!(درى)، "الازهر" نشرىياتى، كابل: ۱۳۹۲.
١٠. كەپايىن سگ‌های ولگرد(درى)، "الازهر" نشرىياتى، كابل: ۱۳۹۲.